



Sabina's Corner

Tok Inglis-

Is the Chief still sick, and Tiensten being dumped? - P4

Tok Pisin-

Sif i sik yet, na wanem taim bai ol i rausim Tiensten? - P5



Insten HaiSpid
Intanet i kamap pinis

Kaunim mi tu!



Ol nupela risos developmen projek givim salens long DEC - Allen - P3

Wok raun bilong senses i kam pinis long Sande long wik i go pinis insait long Nesinal Kapital Distrik, ol wok manmeri husat i raun long wanwan haus bai go bung long wanpela kaunim senta long sekim gut olgeta pepa wok bilong ol. Long Poto, Sharon Ingara (sindaun wantaim buk) na Lian Akori (sanap wantaim folda long han) i go raun long Renbo long Gerehu na kauntim ol famli bilong Eunice Aiso long Fonde wik i go pinis.

Poto: Nicky Bernard.



K99
Tasol

SCAN ME FOR INFO
Call 123
www.digicelpng.com

Digicel
broadband

Digicel Broadband data usage will be charged per MB. The Rate per MB on prepaid is 231 during peak (8am to 4pm) and 211 during off peak (4pm to 8am) hours. All new and existing prepaid and postpaid Digicel SIMs are Broadband enabled. To use Digicel Broadband, the handsets and devices must be compatible with UMS/HSPA and 900MHz GSM frequency band. 2G Dongles are not compatible on 3G enabled areas. To check your credit balance from Digicel, send a blank text message to 120. Digicel Terms and conditions apply.

GLOBE

...the perfect choice

VITAMIN ENRICHED

More Easy, More Tasty, More Healthy.



Bung bilong glasim sosel sekyuriti polisi bai kamap

Veronica Hatutasi i raitim

PNG i wok nau long kamapim wanpela "sosel sekyuriti" polisi bilong lukautim ol turangu lain olsem ol lapun, ol disebol na ol yangpela i nogat wok, ol dispela i gat sik long het o tingting na ol dispela we smok nogut i bagarapim ol.

Sosel sekyuriti polisi i no min olsem givim kesmani i go long ol dispela lain, tasol ol program gavman bai sapatim we bai helpim dispela tripela grup long lukautim, sapatim, strongim na kamapim senis long ol.

Sekreteri bilong Komyuniti Developmen na tim lida bilong Nesenel Task Fos long Sosel Proteksen Polisi Modols (NTSP) komiti, Joseph Klapat, long dispela wik i bin singautim wanpela bung wantaim ol niuslain long mekim kliia wanem em sosel sekyuriti na wok we komiti i kam long 8-pela gavman dipatmen i wok long dispela samting i kamap long en pastaim ol i kamapim sosel sekyuriti proteksen polisi bilong kantri.

Mista Klapat i tok PNG i bin tingting long kamapim wanpela sosel sekyuriti polisi bilong kantri bihainim wanpela intanesenel bung we Komyuniti Developmen Minista, Dame Carol Kidu na Nesenel Plening na Monitaring Minista, Paul Tiensten, i bin stap long en long 2009. Na

long las yia, ol bin sanapim NTSP i gat ol lain i makim Komyuniti Developmen, Nesenel Plening na Monitaring, Provinsel na Lokol Level Gavman Afeas, Edukesen, Helt, Treseri, Leba na Industri Rilesens na Agrikalsa na Laipstok.

Ol memba bilong NTSP i bin go raun long olgeta provins long karimaut ol wok risets na tu, sampela bilong ol i bin go long ol kantri long Esia na Pasifik long lukim ol wankain polisi long ol dispela kantri na ol rot ol i ron long em.

Mista Klapt i tok olsem gavman, ol i wari long laip na stap bilong pipel long dispela kantri tai mol kain developmen i wok long kamap hariap. Na taim piksa bilong PNG long Esia na Pasifik rijen i no gutpela long ol mak i save soim developmen long sosel na ikonmik developmen level.

"Taim ikonmik developmen mak bilong kantri i stap daunbilo long rijen, kwaliti bilong laip long pipel bilong yumi bai stap olsem ol turangu. Olsem gavman i laik helpim pipel bilong yumi, wok i stap wantaim mipela long painim rot olsem dispela NTSP long etresim sampela ol wari na hevi na apim kwaliti bilong laip long ol turangu famili na wan wan man na ol disebol na ol lapun," Mista Klapat i tok.

Wanpela wik bung long glasim dispela samting na ol ripot we NTSP i kamapim bai kamap long Ogas 1 inap long de namba 5.



POLISI: Komyuniti Developmen na NTSP tim lida, Joseph Klapat, long bung wantaim ol narapela tim memba. Foto: Veronica Hatutasi



NUPELA SMIT INSTITUT: Nupela skul bai senisim pes bilong Tabubil. Foto: SMIT Komyunikesens, Tabubil.

Tabubil bai gat wanpela bikpela skul

...Bai kamapim planti senis

Veronica Hatutasi i raitim

MAINING taun bilong Tabubil long Westen Provins i no longpela taim bai lukim wanpela bikpela senis taim ol i bildim nupela wol klas trening skul long taun.

Star Maunten Institut ov Teknoloji (SMIT) em dispela nupela skul bai givim trening, edukesen na ol risets program long pipel bilong PNG.

Wok long bildim hai kwaliti kampus long Tabubil bai kostim K70 million bai stat long sampela taim long dispela yia, na kisim tupela yia long bildim. Na em bai kamap olsem wanpela bikpela skul long Tabubil.

Sampela ol bilding bai gat tupela stori o level na bai gat ol klarum, ol opis, hap bilong kaikai, laibreri, ol rum bilong slip long ol, konpresenta, tiata bilong lukim ol muvi na internet kafei.

Skul bai stat long kisim ol sumatin long 2013.

Dispela skul bai givim ol bisnis kos, mekanik, kapenta na ol narapela tred long teknikel eria, infomesen na teknoloji, hospitaliti na turisim, nesing, besik literesi, maining, agrikalsa, ol kos bai redim sumatin i go long yunivesiti, tising na pos greduet stadi.

SMIT Sif Eksekyutiv Opisa, Dokta Trevor Davison, i tok kampani bai patna wantaim ol nesenel na intanesenel ogenaisesen long ranim

ol kos long skul.

"Mipela i gat wok long bildim na developim save bilong ol asples PNG pipel yet long kisim save na mekim wok na bai mipela i ofaim ol kos long inapim olgeta level bilong wok na skul. Bai mipela i givim wok na sans long wok patna wantaim ol asples bisnis," Dokta Davison i tok.

SMIT i gat ol patna pinis bilong dispela kantri olsem Ok Tedi Maining kampani i givim SMIT wok long ranim menesmen long ol risets, edukesen na trening.

Bai em i gat join ventja wantaim Yunivesiti bilong Teknoloji long Lae long fomimo kamapim Nesenel Analitikel na Testing Sevis leboratori. SMIT bai ofaim sampela ol kos ol i ranim long Divain Wod Yunivesiti long Madang.

PNG Sastenebol Developmen Program (PNGSDP) em bikpela seaholda bilong Ok Tedi Main i fandim SMIT join ventja.

SMIT i stap long long tem plen bilong PNGSDP na bai go het yet taim Ok Tedi Maining i pinis long wok.

Wanpela long ol samting i stap long dispela 15-20 yia plen em long tanim maining taun Tabubil i go long miiks ikonmi kolis taun.

Aninit long plen, ol bai bildim ol kain bisnis, ol nupela bikpela bisnis na sampela ol komyuniti sevis na taun menesmen wok.



Comrade Trustee Services Limited

TRUSTEE FOR THE DEFENCE FORCE RETIREMENT BENEFIT FUND

Toksave

Comrade Trustee Services Limited i laik toksave long ol dispela meri husatol man bilong ol i dai pinis na nem bilong ol mipela makim tamblo long sekim opis bilong mipela long sampela toksave bilong yupela. Sapos yu save long dispela ol meri, plis toksave long ol long wankain toktok antap.

No.	Nem bilong ol wido	Nem bilong ol memba dai pinis	Renk	Sevis #
1	Nancy Jimmy	Jimmy Ambrose	Private	898179
2	Avis. T. Mina	Fred Mina	Corporal	810383
3	Mary Bani	Bani Bani	Lance Corporal	811235
4	Lucy Pyaon	Patrick Pyaon	Private	812394
5	Carolyn Tino	Turuka Peter Yaubel	Captain	89724
6	Kathy Baeo	Iko Kore	Corporal	810193
7	Paruru Kukuma	Boniface Kukuma	Lance Corporal	812005
8	Aima Value	Henry Value	Lance Corporal	864137
9	Betty Onu Gorogo	Rocky Onu	Sergeant	89466
10	Joyce Walewafi	John Walewafi	Private	811947
11	Josephine Sine	Gaima Sine	Corporal	810588
12	Brenda Siki	Dick Siki	Captain	811634
13	Concillia Dusty	Anamp Dusty	Private	812077
14	Rufina Nio Kanuba	Harry Nio	Lance Corporal	89294
15	Janet Mukale	John Garen Mukale	Corporal	811856
16	Jacklyn Maburau/Stanis Tibong	Bernard Maburau	Major	89037
17	Helen Anuma	John Anuma	Corporal	89632
18	Nellie Konimor	Jethro Konimor	Private	811866
19	Rose Wartovo	Oscar Wartovo	Corporal	811750
20	Gorothy Moepe	Billy Moepe	Corporal	810221
21	Pala Augustine	Raphael Augustine	Corporal	810997
22	Feda Samala	Gene Samala	Private	812473
23	Shirley Bogaya	Albert Bogaya	Private	812275
24	Jennifer Abel	Clark Abel	Lance Corporal	810846
25	Anna Turbat	David Turbat	Lance Corporal	810759

Long save moa, sekim Member Services opis long telefon: 320 3455 o tol fri namba: 180 1007, mobail: 723 70548 o feks: 321 5840/ 320 1710 o emel; MemberServices@ctsl.com.pg o yu ken kam long opis long Defens Haus, daun taun, Mosbi.

Tok orait i kam long ol bikman bilong Comrade Trustee Service LTD.

Ol nupela risos developmen projek givim salens long DEC – Allen

James Kila i raitim

KAMAP bilong ol nupela risos developmen projek insait long kantri i givim bikpela salens tru long Dipatmen bilong Environmen na Konsevesen (DEC) long glasim gut ol kampani na lukim olsem ol i bihainim stret envairomen loa bilong yumi.

Minista bilong Envairomen na Konsevesen, Benny Allen, i tokaut long dispela long Tunde, taim em i opim PNG Mains na Petroleum Semina long envairomen long Mosbi.

Minista Allen i tok planti ol nupela developmen projek i yusim ol nupela kain teknoloji we i nupela long PNG olsem likwifait netserel ges (LNG) prosesing teknoloji na tu namba wan wok maining aninit long solwara (dip si maining) em ol i kolim Nautilus Solwara projek.

Em i tok ol teknikal save long givim tok orait long dispela ol nupela industri em planti tumas na planti kain save ya em PNG i nogat. Olsem na PNG i wok long kisim ol ovasis lain long kam insait na dispela i givim hat taim long DEC.

Mista Allen i tok dipatmen bilong em i wok long lukluk long ol rot long painim ol



Ol lain i harim ol toktok long PNG Mains na Petroleum Semina long envairomen.

gudpela saveman long sait long menesim ol lo bilong lukautim bus, graun na solwara (envairomen) we ol risos developmen projek i wok insait long en.

Em i tokaut tu olsem DEC i wok long kamapim sampela senis long kamapim Konsevesen na Environmen Proteksen Atoriti (CEPA).

CEPA bai putim mani long lukautim ol wok long sait long givim tok-orait long ol kampani long sait long bus, graun na

wara long kantri. Rot long kisim mani bilong CEPA em i no long bringim mani long gavman, em bai go het long glasim ol kampani long bihainim ol stretpela loa em DEC i putim long lukautim ol bus, graun, wara na solwara insait long kantri.

Mista Allen i tok olsem em i gat bilip olsem kamap bilong CEPA bai helpim gavman long menesim ol envairomen regulesen o loa na was gut long ol netserel risos bilong yumi insait long dispela



Ol lain i rejista long go long PNG Mains na Petroleum Semina long Tunde. Potos: James Kila

taim we bikpela risos developmen i wok long kantri.

Em i tok long nau yet em i no wet long atoriti i kamap pastaim long ol i ken wok. Em i givim toktok pinis long dipatmen bilong em long sekim gut ol kampani long bihainim ol envairomen plen insait long ol main sapos em i harim sampela ripot i kamap.

Ol Esian wokman kisim wok long sip na PNG nogat

James Kila i raitim

PLANTI Esian wokman i giaman na kam insait long kantri na wok long ol sip na pasim spes bilong ol lokal saveman bilong yumi.

Dispela ol wok posisen long sip olsem sip masta na kru em PNG man tasol i ken wok aninit long lo bilong kantri em ol i kolim "Prohibited Occupation". Tasol nau yet ol lain bilong Esia i wok olsem sip kepten na kru long ol sip we i ron long solwara bilong yumi.

Wanpela sinia lokal kepten

bilong sip i tokaut long dispela. Dispela sinia ofisa bilong sip, husat i no laik long tokaut long nem bilong em, i tok olsem dispela samting i kamap bikpela tru long ol loging kampani.

Em i tokaut olsem bikpela namba bilong ol dispela Esian lain i wok long ol sip we i karim timba long Galp olsem Kopi, Kikori, Kamusi na ol arapela timba projek long Westen provins.

Dispela sinia sip ofisa i tokaut tu olsem planti ol sip we i wok long ol loging opresen long kantri i no re-

jista long PNG na sampela ol masta long dispela ol sip em ol i no gat pepa o kwalifai long mekim wok aninit long "Merchant Shipping Act".

"Sampela long ol dispeal Esian lain i no save long wok. Ating yu i yusim giaman ol setifiket na kam kisim wok long hia," em i tok.

Em i salensim Nesenel Maritaim Sefti Atoriti (NMSA) long lukluk i go insait long dispela hevi. Dispela em bikos ol kontrak sela insait long kantri i no gat luksave na turangu ol i stap nating

Em i tok ol nesenel ofisa

husat i gat setifiket nau yet i painim hat tru long kisim wok long ol sip bikos ol ovasis lain bilong Esia i wok long pasim spes i stap.

Kepten ya i givim salens i go long Dipatmen bilong Lena na Foren Afes insait long Maigresen divisen long lukluk i go insait long dispela.

Em i askim tu PNG Maritaim na Industrial Yunion long lukluk i go insait long dispela hevi kwiktai wantaim gavman na stretim.

Dispela sinia kepten husat i memba bilong PNG Mari-

taim na Industrial Yunion pastaim i tok, planti ol dispela hevi i stap na nogat lain i lukluk long stretim. Planti ol wokman bilong sip i save belhat tru tasol ol i no tokaut.

Narapela samting em i tokaut long en em bilong wanem tru na ol lain bilong Australia i wok long pailot long ol tenka vesel o sip i kam long Kumul teminol. Dispela em i rong. PNG pailot i mas mekim dispela wok. Em i askim NMSA long lukluk i go insait long dispela samting.

KIKSTATIM DEI WANTAIM



Is the Chief still sick, and is Tiensten being dumped?



Census Hotline

If you and your family have not been counted during the census week, do not think we have missed you.

We will still pick you up in the next two weeks of mob up operation.

Otherwise, call us anywhere in PNG on our census Toll Free/Hotline numbers at no cost to you and we will find you and family and count you in.

The Toll Free numbers are:
180 2055, 1802036, 180 2093

“Count Me in and Plan For Me”



made by all the parties involved.

We suggest the following:-

1. The NA must now meet to consider the question of appointment of its NA parliamentary leader for the nation to take Sir Michael's place. Here everybody including Don, Sam, Pruaitch, Arthur, Tiensten and Pala/Temu should apply for that post. And whoever wins should become the PM.

2. However, if the above is not feasible because Sam Abal is not likely to step aside to allow this process to unfold itself, then Arthur must produce a resignation letter signed by Sir Michael to allow Parliament to appoint its new PM. In this manner then all the above named applicants can make the attempt for the post of the PM.

But in order to move in this direction, NA must decline a better option to nominate a single NA member to contest the post in parliament. The problem with this case scenario is that the confusion in NA camp will spill over into the parliament and there it will be every man and his dog for himself, whilst NA disintegrates and thus loses its grip on power.

3. This is where the Opposition should now move in and force the issue by siding with a NA Member of Parliament whom they feel they can work with for the remaining months until the national elections and get Parliament to play the matchmaker. We believe this is a tricky area because the Speaker is often times accused for allegedly conspiring all the time with the kitchen cabinet. However, this is not going to be a simple exercise. Since the people in government are all too self-centred to look at the bigger issue of public interest, the Opposition must step in and resolve the issue for them.

What is now most obvious in this country is our politicians' greed for power and the status of a "big" man in the eyes of his community. There is no consensus in what these politicians say and in what they do. Even where there appears to be agreement on any issue, the truth of the matter is that the individual politician involved always does a "what's there for me" exercise; and if he sees a private reward somewhere in the agreement then that would suffice for his active role to support the particular undertaking. And if in his assessment he realizes that there is nothing there for him, he will go ahead and support the project but at the same time solicit some favour for himself. Thus, in anything that a politician does in this country, it is always a matter of what is there for him.

And moving into another

political arena it has been alleged by Mr Lelang, the former Secretary to the Department, that there has been a misuse of public money on a massive scale, and this has to do with funds held by the Department. And even names of individuals within the Department and their relatives and friends have been spelt out in public including the amounts paid by cheques and the actual cheque numbers and further information on which officers of the Department collected those cheques.

On the face of it, the evidence so far is quite damning so the onus is now on the Honorable Minister, Paul Tiensten to give a detailed explanation to set the record straight.

The move by Paul Tiensten to get Lelang's Lawyer, Kowrowi to be referred to the PNG Law Society has nothing to do with the K1.9 million spent in 90 days after Mr Lelang was suspended. Unfortunately, the public perception now (rightly or wrongly) is that Tiensten had Lelang suspended and Zarriga appointed as a means to access the K1.9 million held by the Department. If this is not the case, then how does one explain the expenditure of K1.9 million within the 90 days? These are the kind of questions now being asked so the proper thing for the Minister now is to explain what had happened and that way set the record straight. Right now the personal integrity of the Minister has been called into question. He must now respond and clear his name that way.

And we suggest that Tiensten go public to explain each of those individual payments made out to various people employed in his Department. We also suggest that he should find a better explanation for the K10 million given to Mr Wartovo to start his airline company.

If this K10 million payment was a genuine government incentive to assist private enterprise in this country, then why was the payment not made in public with all that fanfare like presentation of dummy cheques in front of the media for publicity purposes? And why was that payment to Wartovo made in private and kept a secret until Lelang informed the public about it.

If all there is nothing improper about these individual payments totalling K1.9 million then why did Peter O'Neill go public to suggest that a Commission of Enquiry must be established. In all fairness to both Tiensten and Zarriga and those whose names have been exposed to the public, a public enquiry is a must to set the record straight and to absolve them of any wrong doing. Unfortunately, there is no other way to resolve the issue. Therefore, we suggest that Sam Abal now appoints a Commission of Inquiry.

We make no suggestions as to guilt or innocence of both Tiensten and Zarriga and the recipients of the funds totalling K1.9 billion. What we are saying here, is that questions of impropriety have been raised by Lelang, so what the public requires is firstly, an explanation from

Tiensten and Zarriga on the individual payments and if such an explanation is not forthcoming, then the most appropriate thing to do under the circumstances is to appoint a Commission of Inquiry to investigate the process involved in dishing out the funds, and to make its findings of facts and any related recommendations to the government.

In any event, it is now a matter of public interest that Sam Abal the acting prime minister, must make a public statement on the whole issue of whether a Commission of Inquiry should be appointed to look into the allegations made against Tiensten and Zarriga on the matter of use or misuse of K1.9 billion.

Soon after taking office as the acting PM, Sam Abal wasted no time in sacking Duma and Polye on the allegation that both were incompetent. And he was widely praised for such decisive action within such a short time after taking Office. Well, now there is a far worse allegation against his Minister and the Acting Secretary Zarriga for misuse of K1.9 billion, so he must come out publicly and make a statement telling the nation where he stands on the issue.

More importantly, Tiensten and Zarriga must tell the nation who decided on the individual allocation of funds, and what yardstick they used to determine who should get paid what amount and on what considerations. And if it is true that some of Tiensten's and Zarriga's associates or officers were paid, then how are these explained? These are all matters requiring explanations from Tiensten and Zarriga.

Just imagine if these allegations were made in Australia, New Zealand or the UK for instance. The likes of Tiensten and Zarriga would have resigned within less than 24 hours after these allegations were made public. In these countries what matters the most is the public perception based on any public allegations. It is never a issue of "I have nothing to hide" or "I am innocent until proven guilty". The primary issue is always whether one's personal integrity has been put in issue, and if it is, then it is only fitting and proper to resign the public office and move onto the next stage of clearing one's name.

Why is it that we cannot do the same here?

Why is it that Paul Tiensten cannot resign as the Minister for Planning and Monitoring and why is it that Ruby Zarriga the Departmental Head cannot resign as well? And finally, why is it that Sam Abal the Acting Prime Minister cannot make a statement on the allegations and further tell the nation why he is not suspending or sacking Tiensten or appointing a Committee to enquire into the allegations? Is it because Sam Abal did pick up his share of the loot? And is that the reason why now he feels compromised in his role as the Acting Prime Minister? Is that why Tiensten has not been sacked?

WHY the silence again? Would somebody please, tell the nation what is now happening with Sir Michael? Is he still sick, and if so, is he likely to recover within the near future, and if affirmative, how long might that be?

And what is the Sam Abal mob doing now about the current state of affairs, namely, that we have a sick PM whose family has already told the nation that he would not be returning to politics.

The next step now is to get the Sir Michael to sign a letter of resignation as the PM and then a further letter of resignation as a Regional member for East Sepik. This would make way for the appointment of a replacement for the post of the PM.

Presently, the government does not appear to be doing anything to get the matter resolved without any unnecessary delay. We suggest that the Attorney General plays an active role in the resolution of this long outstanding matter.

Meanwhile, people like the former Judge Yalo should assist the process and stop being a "busy body" with his meaningless court proceedings against the Attorney General and assist the legal process to set in motion a more meaningful dialogue to get the nation back on foot. In particular, the member for Angoram, Arthur Somare, must reassure the public that his father is not returning to the post of PM even if he recovers within the next 90 days.

What the nation requires is co-operation by and between all parties involved from the opposition to the government, and the Somare family and everybody else like Judge Yalo, if he feels that he has something tangible to offer.

However, right now, everybody appears to be on the lookout to see where each of them might gain an advantage over the other by using the matter of Sir Michael's health considerations.

In our view it is quite obvious that there is no genuine desire on the part of those involved to resolve this issue for the sake of the public interest. It is now all about personal interests for those involved in this endless game of wait and see. We suggest that Arthur Somare prepares a resignation letter and gets his father to sign it and then have that produced to the Governor General and the Speaker of Parliament to enable a new PM to be appointed.

On a related issue, we suggest that Sam Abal and Don Polye meet in person and resolve the matter of leadership of the NA party in the highlands region. We agree that Don is the lawful appointee in the role of a Deputy NA parliamentary leader, but the reality now is that Sam Abal has been appointed by Sir Michael as the A/PM instead of Don and the situation is now compounded by the fact that Sam has sacked Don from a ministry. And one thing that is now very clear is that the conflict between Don and Sam will not be resolved so easily without some heart wrenching decisions being



Senses Hotlain

Sapos ol i no kaunim yu na famili bilong yu long senses wik, noken ting olsem mipela i abrusim yupela.

Mipela bai kaunim yu yet insait long narapela tupela wik i kam insait long mop ap operesen.

Sapos nogat, yu ken ringim mipela long olgeta hap bilong PNG long senses tol fri kol namba na hotlain namba na mipela bai painim yu na famili bilong yu, na kaunim yupela.

Ol Fri namba em: 180 2055, 1802036, 180 2093

“Kaunim Mi na Plen bilong Mi”

Sif i sik yet, na wanem taim bai ol i rausim Tiensten?

WATPO na olgeta i pasim maus i stap? Inap wanpela i tokim kantri wanem samting i kamap long Sir Michael? Sapos em i sik, orait, em bai orait bek gen o nogat. Na em bai longpela taim gen?



Na olsem wanem long Sam Abal na ol hevi i stap nau long yumi, em mipela i gat wanpela praim minista i sik, na famili bilong em i tokim pinis kantri olsem em bai no inap kam bek gen long wok politikis.

Narapela samting nau em long tokim Sir Michael long sainim wanpela leta ov resiknesen olsem PM, na bihain, wanpela leta gen long lusim wok olsem rijenal memba bilong Is Sepik. Dispela bai opim rot bilong makim de bilong senisim praim minista.

Nau yet, gavman i no laik hariapim wok long stretim olgeta dispela samting. Mipela i ting Atoni Jeneral i mas go pas long pinisim dispela ol samting gut.

Ol lain olsem bipo jas, Yalo, i mas halivim wok na noken suvim nus tumas wantaim ol kain kain kot kes agensim Atoni Jeneral, na halivim loa long kirapim ron bilong mobeta tokpaik i kamap. Moa yet, memba bilong Angoram, Arthur Somare, i mas tokim pablik gen olsem papa bilong em bai no inap kam bek long wok PM, maski em i kisim bek olgeta strong bilong em insait long 90 de i kam.

Kantri i nidim wok bung namel long olgeta lain i stap insait long oposisen na gavman, na Somare famili na olgeta arapela lain olsem Jas Yalo, sapos em i pilim olsem em i ken givim gutpela stia tu.

Tasol nau yet, olgeta i wok long was long husat tru bai inap kisim moa pawa winim ol arapela long sait bilong helt sindaun bilong Sir Michael.

Mipela i ting em i klia olsem i nogat gutpela bel long ol dispela lain long stretim dispela hevi long gutpela bilong pablik tingting na sindaun. Nau em samting bilong wan wan laik, we ol bai sindaun na lukluk pastaim. I mobeta Arthur Somare i redim wanpela resiknesen leta na tokim papa bilong emi sainim, na bihain, givim i go long Gavana Jeneral na Spika bilong Palamen long opim rot bilong ol i makim nupela praim minista.

Long narapela han wok kamap long dispeal, mipela i ting Sam Abal na Don Polye i mas bung na sekhan na stretim sindaun bilong lidasip bilong NA pati insait long Hailans rijen. Mipela i wanbel olsem Don em i man ol i makim olsem Deputi NA palamen lida, tasol nau, Sir Michael yet i makim Sam Abal olsem ekting PM, na i no luksave long Don. Nau sindaun i krangi olgeta bikos Sam i rausim Don long holim wok minista. Na wanpela samting we i stap ples klia nau, em dispela kros namel long Don na Sam bai no inap pinis kwik. I mas i gat belkrai i kamap long tupela sait wantaim long stretim dispela.

Mipela i ting ol dispela wok i mas kamap:-

kisim bilong em yet.

Na yumi go long hapsait long Mista Lelang, bipo sekreteri bilong dipatmen, we em i tok i gat bikpela paul wok i kamap we ol i paulim bikpela hap mani bilong pablik we Dipatmen i holim.

Ol nem bilong wan wan ol manmeri insait long dipatmen na ol lain famili na pren bilong ol i go aut long pablik pinis, na tu, stori bilong hamas mani i go aut long sek na wanem ol sek namba stret na moa stori long husat ol opisa long dipatmen i bin kisim ol dispela sek.

Olgeta evidens we i kamaut pinis long pablik em i nogut tru, na nau i stap long Honorabel Minista Paul Tiensten long givim gutpela tok klia long stretim olgeta paul tingting.

Pasin Paul Tiensten i laik kotim loya bilong Lelang, em Korowi, na riferim em i go long PNG Loa Sosaiti, i no pas klostu liklik long K1.9 milian i lus insait long 90 de taim Mista Lelang i stap sapsensen.

Tasol nau, pablik tingting i olsem Tiensten i bin sapsenim Lelang na makim Zarriga long opim rot long kisim K1.9 milian long dipatmen. Sapos i no olsem, orait, husat i ken tok strongim wok i lukim K1.9 milian i lus long 90 de tasol.

Dispela ol askim nau i kamap, olsem na stretpela samting long minista long mekim nau em long tok klia wanem kain samting i kamap long stretim tok. Nau yet, nem bilong minista i no moa gutpela. Em i mas givim bekim na kliarim gut nem bilong en.

Tiensten i mas go pablik na tok klia gut long wan wan ol pemen i go aut long wan wan ol lain i wok insait long dipatmen. Mipela i ting tu olsem em i mas painim mobeta tok klia long K10 milian em i givim long Mista Wartovo long kirapim balus kampani bilong em.

Sapos dispela K10 milian pemen em i wanpela tru tru gavman insentiv long halivim ol praivet bisnis long kantri, watpo na pemen i no kamap ples klia wantaim olgeta arapela taim gavman i save givim ol sekmani long ai bilong midia long apim nem bilong ol? Na watpo dispela pemen i go long Wartovo i stap hait inap Lelang i tokaut long pablik.

Sapos i nogat wanpela asua long ol dispela pemen we i inapim K1.9 milian, watpo na Peter O'Neill i tokaut long pablik olsem i mas i gat wanpela Komisn ov Inkwairi.

Long givim luksave long Tiensten na Zarriga, husat nem bilong tupela i go aut pinis long pablik, i mas i gat wanpela pablik inkwairi o wok painim long stretim olgeta samting na kliarim nem bilong ol.

Tasol i nogat narapela rot bilong stretim dispela samting. Sam Abal i mas makim nau wanpela Komisn ov Inkwairi.

Mipela no inap tok sapos Tiensten na Zarriga i mekim stret pasin o nogat, wankain long ol lain i kisim dispela K1.9 milian. Samting mipela i tok hia, em long ol sut tok long paul pasin Lelang i autim, bai pablik i mas

harim wanpela tok klia o stretim i kam long Tiensten na Zarriga long wan wan ol pemen, na sapos i nogat gutpela tok klia, orait, i mas gat wanpela Komisn ov Inkwairi long glasim rot ol dispela mani i bihainim, na i mas i gat rekomendesen i go long gavman.

Em i samting bilong pablik, na Sam Abal, ekting praim minista, i mas tokaut long pablik sapos i mas i gat Komisn ov Inkwairi o nogat, long glasim ol sut toktok agensim Tiensten na Zarriga long paulim bilong K1.9 bilian.

Bihain long em i kisim wok ekting PM, Sam Abal i no westim taim long sekim Duma na Polye long ol sut toktok olsem ol i no inap long mekim gut wok.

Abal i kisim planti luksave long dispela disisen em i mekim, sotpela taim tasol bihain long em i kisim wok.

Nau, i gat bikpela moa sut toktok agensim minista bilong em na ekting sekreteri Zarriga long paulim K1.9 bilian, olsem na em i mas tokaut long pablik na tokaut stret long sanap bilong em long dispela samting.

Moa yet, Tiensten na Zarriga i mas tokim kantri husat i bin tok orait long wan wan ol lain wokmanmeri bai kisim mani, na wanem kain stia ol i bihainim long makim husat bai kisim hamas, na bihainim wanem kain rot. Na sapos em i tru olsem sampela long ol wanlain bilong Tiensten na Zarriga i bin kisim pe long dispela mani, wanem kain tok tru i kamap long ol?

Olgeta dispela ol samting i nidim tok klia i kam long Tiensten na Zarriga.

Tingim, sapos ol dispela sut toktok i kamap long Australia, Nu Silan o long UK.

Ol lain olsem Tiensten na Zarriga bai lusim wok pinis insait long 24 awa bihain long ol sut toktok i go aut long pablik. Long ol dispela kantri, pablik pesepsen o tingting bilong pablik em i bikpela samting. Em i no samting bilong “Mi no asua o haitim samting” o “Mi orait yet inap ol i painim mi gilti o asua”. Namba wan samting em nem bilong wanpela i kisim sut toktok, na sapos i olsem, i mobeta long risain lusim pablik ofis na go het nau long kliarim nem bilong yu.

Watpo na yumi no inap mekim wankain long hia?

Watpo na Paul Tiensten i no inap risain olsem minista bilong plening na monitar- ing na watpo na Ruby Zarriga, husat em i hetmeri bilong dipatmen i no inap lusim wok tu?

Na las tru, watpo na Sam Abal, Ekting Praim Minista, i no inap mekim stetmen long ol sut toktok, na tokim kantri watpo na em i no rausim Tiensten o makim wanpela komiti long sekim ol sut tok? Nogut Sam Abal tu i kisim hap toea bilong en? Em tasol na em i pilim olsem em i no inap long opim maus olsem Ekting Praim Minista? Long dispela as tasol na ol i no rausim Tiensten yet?

Mista na Mis Henganofi Sekendari resis opim ai stret



2011 Mista Henganofi Sekendari Hezron Kih i wokabaut pas long 2011 Mis Henganofi Sekendari, Shannon Pondrilik.



Gret 12 sumatin Debbie Seronte (raithan) i soim golf spot wea long stes wantaim arapela man sumatin.



Ol lain sumatin i soim klos long werim na go aut long nait long ol pati o kibung. Ol poto: James Kila

James Kila i raitim

OL SUMATIN bilong ruel Henganofi Sekendari Skul long Isten Hailans provins i soim tru westen o waitman kala na stail bilong siti stret insait long wangepa skul kontes, stail we ol sumatin bilong haus-lain i no save lukim bipo.

Ol i soim dispela insait long fes na namba wan taim tru skul kompetisen insait long resis ol i kolim 'Cat Walk' na Mista na Mis Henganofi Sekendari biuti kontes long las tupela wik i go pinis.

Dispela kompetisen i soim 8-pela sumatin husat ol i makim pinis, i werim ol kain kain stail westen klos na wokabaut stail long stes fran long ol jas i ken glasim ol na givim poin.

Ol jas i givim poin tu bihain long ol sumatin bihain long ol i bekim ol askim o kwesten ol jas i askim ol long ol nius na wanem samting i kamap long PNG na long wol.

Kompetisen ya lukim husat tru bai kisim taitol bilong Mista na Mis Henganofi Sekendari skul long 2011.

Het tok bilong dispela kompetisen em "Developing Confidence through social and educational Activities". Dispela i min olsem

kamapim gutpela tingting na strong long sait bilong sosel wok-kamap na edukesen.

Deputi prinsipal bilong Henganofi Sekendari, Topeni Reho, i tok dispela skul kontes em namba wan taim tru i kamap na bikpela as-tingting bilong em long givim sans long ol sumatin long lainim ol nupela samting i kamap long wol tude na tu long helpim ol long kisim na yusim wanem gutpela pasin na stail.

Mista Reho i tok tu olsem dispela kontes i ken helpim long opim tingting bilong ol sumatin long luksave long wanem long gutpela senis i kamap long wol tu long helpim ol sumatin long sanap strong na toktok na autim tingting bilong ol.

Ol sumatin i wokabaut stail long stes wantaim ol naispela klos we ol manmeri save werim long nait na go pati, klos long werim na pilai spot na klos long werim na raun.

Ol hauslain sumatin bilong Henganofi praimer skul husat i go lukim dispela stail 'Catwalk' o stail wokabaut long stes i opim ai bilong ol stret. Sampela liklik mangi i ting olsem ol i lukim ol Blek Ameriken i pundaun long graun bilong Henganofi long soim stail o?

Long bringim naispela kala long resis ya i lukim tu sampela ol sumatin i pilai laiv ben na tu i mekim ol brek-danis na ol arapela stail danis.

Musik we i pairap gut tru long kirapim skin bilong ol sumatin long wokabaut na soim stail, i kam gut tru bikos tisa na man bilong kontrolim musik, nem bilong em "Mista Pukpuk" Manub putim rait ol musik stret.

Tupela sumatin husat winim taitol long dispela 2011, bihain long gutpela bilas na tru ansa ol i givim long ol kwesten, em Shannon Pondrilik, husat em 2011 Mis Henganofi Sekendari. Shannon em hapkas Manus na Kavieng i mekim gret 9. Boi husat i winim taitol bilong Mista Henganofi 2011 em Hezron Kih i, husat i mekim gret 12 na em bilong Kainantu long Isten Hailans yet.

Gest o man husat i givim prais i go long ol wina, em niusman bilong The National niuspepa long Goroka, Zachery Per.

Ol arapela husat i kam bihain na tu i kisim prais long ol man sumatin em gret 9 sumatin, Arnold Vegori, Formai Kevin (grade 10) na Alex Eric (gret 11).

Long resis bilong ol meri i lukim sumatin i kam namba tu em Debbie Seronte (gret 12), na bihain em Natalyn Potave (gret 12) na Ale Kompi.



Ale Kompi (lephan) na Shannon Pondrilik i soim stail bilas bilong ol meri.

Ol Monivae Kolis sumatin skruim prensip program

Veronica Hatutasi
i raitim

WOKABAUT bilong wanpela sumatin grup bilong Australia i kam long PNG i opim ai na tingting bilong ol long sampela samting na tu, long senisim pasin na lukluk long ol narapela pipel.

Nainpela Gret 11 na 12 sumatin bilong Monivae Katolik Kolis long Hamilton, Viktoria (Victoria) long Australia i bin stap long Sekret Hat Hai skul long Tapini, Sentrel provins long wanpela wik aninit long "Misin Ekspiriens Program" (MEP) we tupela skul i gat.

Man husat i go pas long dispela patnasip dispela program namel long

tupela skul i bin stat long 2003 em peris pris bilong Tapini, Pater Brian Cahill.

Aninit long dispela program, sampela sumatin grup bilong Monivae i save kam stap long Sekret Hat Hai skul long Tapini na lainim ol samting long stap wantaim ol ples na lukim rot ol pipel long ples i stap long em na rot ol i mekim ol samting long en.

Long wankain taim tu, sampela sumatin bilong Tapini Sekret Hat Hai skul i save go long Monivae long lainim kalsa, laip na skul ol sumatin bilong Australia i save stap long en. Samting olsem 6-pela Tapini sumatin i go pinis long Monivae long dispela MEP program.

Long nau yet, tupela sumatin manki bilong Sekret Hat Tapini nau i skul long Monivae. Ol bin go long hap las yia long wokim Gret 10 na dispela yia, ol i wokim Gret 11 i stap. Ol bai skruim skul i go long neks yia na wokim fainol yia em Gret 12.

Dispela 9-pela sumatin i bin kam wantaim tupela tisa bilong ol, Georgie Rolls na Brenda Ashby. Brenda i kam 9-pela taim pinis long PNG aninit long MEP program.

Tisa Georgie i tok husat ol sumatin i gat laik long kam aninit long program em ol i givim nem na ol i kisim inap long nambana ol i save kam long olgeta yia.

"Ol dispela sumatin i

gat intres i save kam na stap wanpela wik long Sekret Hat Hai skul na Bleset Peter Praimeri skul long Tapini na namel long komyuniti long hap.

"Ol i wokabaut i go long ples Goupo, go long skul na givim toktok, na helpim wantaim ol kain ektiviti o wok skul na komyuniti ol i go long en i mekim.

"Long ples Goupo we Sen Mary McKillop i stap long en, ol sumatin i bin stap long tupela de olgeta na luim kain stap we ol ples lain i save stap long en.

"Ol sumatin i bin laikim stret na opim ai bilong ol long lukim tru tru laip ol pipel long ples i stap long en na ol kain salens ol i bungim, tasol ol i laikim stret stap bilong ol long

ples," tisa Georgie i tok. Monivae Kolis long westen distrik bilong Victoria em i wanpela Katolik Kolis we ol sumatin man na meri i skul long en. Long dispela yia, em i gat 650 sumatin.

Wantok i bin toktok wantaim tupela sumatin long kisim tingting bilong ol long wanpela wik stap bilong ol long Tapini.

"Dispela em i gutpela ekspiriens we mipela i lukim rot ol narapela pipel i stap long en, na skelim wantaim kain laip na sindaun bilong mipela.

"Mipela i glasim olsem kain laip na sindaun mipela i sindaun long en, em mipela i no sot long samting. Na nau, mipela i skelim na mipela i ken mekim sampela senis long pasin na lukluk mipela i gat long ol narapela

pipel.

"Dispela wanpela wik stap i mekim mipela i luksave olsem long Australia, olgeta samting i stap na mipela i save kisim ol na i no sot long wanpela samting. Tasol nau mipela i mekim mipela i opim ai na luksave long ol hevi na sot long samting pipel long narapela hap i bungim.

"Tasol mipela i bin gat gutpela ekspiriens na mipela i amamas na moa yet, mipela i bin gat gutpela taim long pilai spot wantaim ol pikinini," sumatin meri Danica Williams, i tok.

"Smail bilong pipel, ol kalsarel ektiviti na welkam mipela i bin kisim em samting bai mi tingim long dispela wokabaut bilong mipela.

"Bikpela toktok mi laik mekim em, tok tenkyu long ol gutpela samting yu kisim olgeta

de bikos mipela i lukim planti samting pipel long hap mipela i bin stap long en i nogat.

"Narapeal samting tu em laik we ol sumatin i gat long lainim save long ol samting i no stap tumas long wankain level long Australia.

"Mipela i bin go long Tapini Hai skul na praimer skul na toktok na bekim ol askim we ol sumatin i bin gat long en.

"Wokabaut i opim ai bilong mipela long wol na mi laik kam bek gen," sumatin Ben Smiles i tok.

Narapela 7-pela sumatin i bin kam long dispela wokabaut long stat bilong dispela mun em, Jack Kennedy, Cameron Daves, Marcus Dorado, Brittany England, Ben Stubbs, Emma Nicholas na Jack McLeod.

Ol turangu sumatin greduet

MOA long 100 turangu pikinini i gat kris-mas namel long 7 na 14 yia insait long 5-pela eria long Mosbi siti na ol setelmen i bin greduet wantaim ol setifiket bihain ol i pinisim 6-pela mun program.

Ol pikinini i kam long 5 Mail, Gaden Hills, Jun Veli, Vabukori na Tasion Bareks, na dispela em ol lain we i nogat mani long peim skul fi. O ol dispela we ol papamama bilong ol i no bisi long lukautim ol o dispela we ol papamama i dai pinis na ol i nogat lain long lukautim ol na baim skul fi na salim ol i go long skul.

Dispela 6-pela mun skul program ol i kolim long Yang Laif Bas program i bin kam aninit long Ginigoada Bisnis Developmen Faundesen. Na mani long biranim dispela program i bin kam long Esia Faundesen na ol lain i

givim mani long dispela faundesen i kam long Amerika.

Long wanpela de tasol insait long 6-pela mun, we ol sumatin i bin stap long skul, ol bin lainim ol samting long spiritual sait na ol akademik sabjek olsem rit, rait na moa.

Ol pikinini i no bin baim wanpela fi long stap insait long kos, tasol ol i sindaun fri long ol skul lesen.

Long taim bilong greduesen, tok amamas i bin go long Komyuniti Developmen Minista, Dem Carol Kidu, long kisim ol dispela program i kam na nau i helpim gut ol meri na pikinini we i no save kisim helpim long ol narapela rot long kamapim gut laip na sindaun bilong ol.

Pasto Mike Field bilong Ginigoada Bisnis Developmen Faundesen i bin askim strong

ol papamama long mekim olgeta samting long sapotim ol pikinini bilong ol i go long skul.

"Program "Yang Laif Bus" i bin kam long PNG bikos Esia Faundesen i gat bilip long ol pikinini. Planti korap pasin i wok long kamap long PNG, tasol PNG i gat planti ol gutpela pipel tu.

"Sapos yumi sapotim gut ol pikinini long skul, kantri bai lukim gutpela kaikai. Tenkyu ol komyuniti long planim sid tude na em bai groa long gutpela bilong tumora," Pasto Field i tok.

Program i bin yusim Bas 1 na 2 Program long mekim ol wok long kisim na lusim ol pikinini i go long ol wan ples bilong skul.

Pasto Field i bin wokim komitmen long kisim program i go long ol narapela polis bareks insait long Mosbi siti.



LAIKIM TAPINI: Dispela em ol sumatin bilong Monivae Kolis, Victoria i pinisim wokabaut long Tapinini na i redi long kisim balus na go bek long Australia. Ben Smiles i putim Kumuljesi na em i laikim PNG stret na tok em bai kam bek gen. Poto: Andrew Molen

The Fastest Way to Send Money is with Post PNG

SMK

SALIM MONI KWIK

SMK allows electronic money transfers to be sent and picked up at any Post PNG location.*

Call Toll free Tel: 180 2999
Fax: 325 8969
Email: financial.services1@postpng.com.pg
Visit: www.postpng.com.pg

- ✓ **Convenient**
Available at all postal outlets nationwide
- ✓ **Reliable**
Full track & trace
- ✓ **Quick**
Electronic transfer
- ✓ **Cost Effective**
No extra charges

* Check with Post PNG regarding available outlets

Wok redi long OOP

OL WOK redi i go het long Operesen Open Hat (OOP) bai kamap long tupela wik i kam, Ogas 1.

Nau ol dokta i wok wantaim OOP i glasim na sekim ol lain wantaim sik long lewa long olgeta hap bilong kantri na long ol dispela, husat bai kisim operesen.

Tasol program i stat pinis we ol PNG dokta yet long dispela wik i karimaut operesen Klos Hat (Operesen Close Heart).

OOH i save karimaut operesen long ol yangpela pikinini na liklik lain

bikpela manmeri.

Insait long las 19 yia, ol dokta na nes bilong Australia i kam na wantaim helpim bilong ol PNG dokta na nes, i sevim laip bilong 700 yangpela pipel i gat sik long lewa long dispela kantri.

Ol pikinini i gat sik long lewa na sampela bikpela manmeri long PNG i kisim bikpela helpim long OOP na wok bilong ol dokta na nes bilong Australia wantaim tu ol dokta na nes bilong PNG long sait bilong trening long mekim dispela wok.

Strongim ol yangpela man



Yut, Meri na Famili wantaim Lorraine Siraba

PLANTI toktok i kamap pinis long strongim ol yangpela meri na promotim ol rait bilong ol na wanem samting ol i ken mekim, sanap long wankain level wantaim kantri. Taim yumi toktok tumas long sapotim gut ol meri, yumi wok long lumis tingting long ol man na moa yet, ol yangpela man husat i ken sapotim na strongim ol meri sapos yumi laik lukim ol senis i kamap long stetus bilong ol meri.

Empawamen o strongim em wanem samting? Empawamen em i helpim pipel na oli ken lukautim yet ol long mekim ol disisen long laip bilong ol. Em i min olsem strongim spiritual, politikel na ikonmik sait bilong ol pipel na komyuniti.

Long mipela ol meri, em i wok bilong yumi longn kisim ol mani kam insait long ol toktok bilong lidasip bilong ol meri na ol rait bilong ol bikos em i go agens long ol isu. Yumi em ol patna husat i ken helpim yumi yet. Dispela jeneresen i mas bihainim gutpela rot long skulim wol olsem yumi olgeta i wina taim man na meri i ken strongim wanpela arapela na wok patna long haus na wokples. Taim yumi kisim ol yangpela man i kam insait, ol i ken kamap ol ejen bilong senis.

Bai yumi strongim ol yangpela man olsem wanem? Pastaim, i mas gat gutpela rol modul o piksa. Long dispela taim, i gat planti ol singel famili na i nogat gutpela rol modul bilong ol yangpela man nau. Wanpela risets o wok painim we Prins Tras Makwari (Macquarie) Yut

Indeks long Amerika i bin karimaut i tok planti yangpela man i nogat ol gutpela rol model long givim ol gutpela stia long laip bilong ol. Ripot i go moa yet na tok ol yangpela man i nogat ol rol modul i save gat bikpela wari, tripela taim moa, we i mekim ol i stap wari na sori long laip bilong ol. Wok painim em ol i karimaut long Amerika, tasol i gat ol samting we PNG i ken lainim long em.

Yumi askim yumi yet, ol yangpela man PNG inap kontrolim kros o belhat na i no amamas bilong ol o ol i save pait olsem rot long stretim hevi o ol i tingim ol hevi we ol disisen bilong ol i kamapim long en?

I moabeta yumi askim yumi yet na mekim samting long givim strong long ol yangpela man na ol i ken gat gutpela pasin na kamap ol gutpela manmeri bilong dispela kantri. Ol pikinini man i bikpela samting long pasin tumbuna bilong yumi long PNG, tasol yumi no save bisi long balensim skel long bildim ol long kamap ol gutpela lida na ejen bilong senis na brukim banis long jenda inikwaliti o man na meri i no sanap long wankain level.

Bikos em i hat long brukim pawa straksa long sosaiti taim yumi toktok na mekim samting long strongim ol meri, i luk olsem nau yumi mas lukluk tu long strongim ol man. i gat bilip olsem strongim ol man i gutpela rot long go. Na gutpela nius em ol mani redi long mekim samting long kamap ol gutpela rol modul we ol pikinini, ol yangpela man na ol narapela man i ken bihainim.



AMAMAS LONG LAINIM: Wanpela long ol meri i kisim setifiket bilong em long han bilong Superintenden Aquila Tokanini taim trenu, Wendy Kenwal, i sanap lukluk. *Poto: Veronica Hatutasi*

Ol Tasion Bareks mama greduet long ol laipskil

Veronica Hatutasi i raitim

MOA LONG 100 meri insait long ol komyuniti na setelmen eria long Mosbi siti i ken strongim laip na sindaun bilong ol na tok tenkyu i go long Dijisel Faundesen na Ginigoada Bisnis Developmen Faundesen long givim trening long ol.

Antap long dispela tu, Ginigoada Bisnis Developmen Faundesen wantaim helpim bilong Esia Faundesen i helpim ol pikinini i stap long sampela kain hevi na ol i no go long skul long kisim save long rit na rait na ol narapela skul wok we ol poroman long ol skul stret i save lainim long en.

Bihain long Meri Wantok i kisim toksave olsem wanpela greduesen bilong ol meri bai kamap long olpela Gerehu Steji na Tasion Bareks long las wik Fraide, em i no wet, tasol em i go na stap wantaim 22 meri long Gerehu Stej 1 na Tasion Bareks, na samting olsem 30 pikinini, i bin greduet.

Aninit long Strongim Meri program we Dijisel Faundesen i patna wantaim Ginigoada Bisnis Developmen Faundesen, dispela 22 meri long Gerehu Stes 1 na Tasion Bareks i bin wokim 6-pela mun trening kos long kisim save long adalt literesi o rit rait, kaun, helt na haijin, lukautim famili, mekim ol hendikraf, kuk na somap. Wankain ol topik em ol meri long ol

narapela eria long siti olsem Jun Veli, Gaden Hils, 5 Mail na Vabukori i bin greduet tu long ol

Ol pikinini krismas bilong ol i stap namel long 7 na 9 na 10 long ol dispela wankain setelmen na komyuniti i bin greduet long Laikim Laip na Yangpela laip Bas Program bilong Ginigoada na Esia Faundesen i sapotim wantaim fanding o mani.

Ol pikinini ya i no save go long ol skul aninit long PNG edukesen sistem bikos ol i gat hevi long nogat skul fi, ol papamamai dai na tu, sampela em ol papamama i no save tingim ol.

"Bikpela samting long Dijisel Faundesen i wok wantaim ol meri insait long ol PNG komyuniti na givim ol strong na trening na ol i ken mekim samting long kamapim gut ol komyuniti bilong ol, Aninit long dispela program, mipela i laikim ol meri i kisim helpim na ol i ken kamapim gut kwaliti long laip na mekim gutpela disisen long skelim ol samting long laip na sindaun bilong ol," Sif Eksekutiv Opisa bilong Dijisel Faundesen, Marina van der Vlies, i tok.

Dijisel i save wok wantaim ol komyuniti i save mekim ol samting long helpim ol yet wantaim ol risos ol i gat long en.

Dispela em namba wan taim we komyuniti long Gerehu Steji Polis Bareks na Tasion Bareks i lukim kain kos i kamap long helpim ol meri na pikinini. Wanpela bikman i bin

makim Bareks komyuniti i tok dispela em i wanpela gutpela program we em i laikim ol polis lidaman long luksave na sapotim.

"Dispela em i wanpela gutpela program ol lida long polis fos i mas luksave long en na sapotim, bikos i kam inap sapot long dispela eria i no stap," bikman komyuniti lida i tok.

Em i autim tok amamas long Ginigoada long gutpela trening ol meri i kisim we i no westim taim bilong ol, tasol lainim ol gutpela samting.

"Trening skul ol meri i kisim i no westim taim. Nau ol i ken kukim ol kain stail kaikai long ol narapela rot na i no kuk tasol wantaim kokonas.

"Ginigoada i givim pawa long ol meri na ol i ken lainim ol supela samting long helpim developim komyuniti," bikman ya i tok.

Superintenden Aquila Tokanini i bin makim bos bilong ol polis long siti, Metropolitan Superintenden Joseph Tondop long greduesen i bin tokim ol mama na pikinini long yusim save ol i kisim long kamapim gut laip bilong ol.

"Mi bilip olsem save yupelai kisim bai helpim yupela gut. Yusim gut long helpim kamapim gut laip na sindaun na moa yet nau, taim prais bilong ol samting long stua na maket i go antap stret," Superintenden Aquila Tokanin i tok.

Long wankain taim, em i Dijisel na Ginigoada long kisim program i go long ol narapela bareks insait long siti..



FAPUA NIUGINI FORES ADRITI
TOKSAVE IGO LONG

OL PAPAGRAUN BILONG EPRIL SALUMEI FMA LONG AMBUNTI DISTRIK, IS SEPIK PROVINS

Dispela toksave igo long ol papagraun bilong Epril Salumei timba eria insait long Ambunti Distrik bilong Is Sepik provins. Bai igat bung bilong yupela ol papagraun wantaim ol wokman bilong forestri insait long projek eria. Di bung bai kamap long wanwan ples bilong yupela long dispela taim mipela makim:

De	Delt	Ples we bung bai kamap	Ol papagraun long dispela ples mas kamap long bung
Fraide	22 Julai 2011	Wagu	Wagu na Yigal
Sarere	23 Julai 2011	Yerakai	Yerakai, Banakrit na Walfian
Mande	25 Julai 2011	Malu	Malu na Apari
Tunde	26 Julai 2011	Yauambak	Yauambak
Fonde	28 Julai 2011	Bugabuki	Bugabuki, Kagiru na Bitara
Sarere	30 Julai 2011	Niksook	Niksook, Sife, Bigaru na Gahom
Mande	1 Ogas 2011	Sio	Sio na Paru
Trinde	3 Ogas 2011	Moropoto	Moropoto, Saunmapi, Hanasi na Mapuwe
Fraide	5 Ogas 2011	Manssi	Manssi, Wagawae, Yantaue, Meiwane na Larian
Mande	8 Ogas 2011	Warjo	Warjo
Trinde	10 Ogas 2011	Nain	Nain, Pei na Sinen
Fraide	12 Ogas 2011	Nekie	Nekie, Wisok, Wosuwae, Arapi, Soano na Sumwari
Trinde	17 Ogas 2011	Monsual	Monsual, Mali, Miko na Changliran
Fraide	19 Ogas 2011	Yambi Yambi	Yambi Yambi, Bigiawe, Inaru na Wosime
Mande	22 Ogas 2011	Meska	Meska, Mugumula, Wenium na Bisorio

Mipela askim olgeta papagraun bilong Epril Salumei FMA Timba eria long kamap long dispela bung laim mipela holim long wanwan ples bilong yupela.

TOK ORAIT KAM LONG: KANAWI POURU
EKTING MENESING DAIREKTA

**STORI
TASOL**
wantaim
Fr Paul Liwun



Mekim gut, Kisim blesing

SAMPELA taim yumi gat visita i kam long haus o wok ples bilong yumi na ol i no toksave pastaim. Mi bilip olsem sampela bilong yumi bai amamas tasol sampela bai nogat. Sapos yumi amamas, yumi save givim buai o smok, wokim ti o kopi o kukim kaikai na givim ol. Sapos yumi i no amamas, yumi save pulim nus tasol.

Dispela em i pasin bilong yumi, manmeri bilong graun. Yumi luksave o nogat, samting i save kamap long laip bilong yumi.

Wanpela samting yumi mas tingim oltaim em i olsem, dispela pasin bilong mekim gut long ol narapela manmeri i bin stap taim God i bin putim namba wan man na meri long dispela graun. Em i wanpela gutpela Kristen pasin. Bikos olgeta gutpela wok yumi mekim long helpim narapela i save bringim blesing long yumi tude o long bihain taim.

Long las yia taim mi bin wokim namba wan Misa long Hanuabada, em nupela peris bilong mi, mpela i bin ridim stori bilong Abraham na Sarah i mekim gut long tripela man ol i no save long ol. Tupela i lapun pinis na i no nap karim pikinini moa. Bikos ol i bin mekim gut long dispela tripela man bilong narapela lain, ol i bin kisim blesing. Sarah em i lapun pinis tasol em bin inap long karim wanpela pikinini.

Tingim! God laik kam long yumi olgeta taim. Em i kam long visitim yumi long TOK bilong em long Buk Baibel na em i kam lukim yumi long Sakramen bilong Sios. Em i kam visitim yumi tu long manmeri bilong narapela ples.

Yum i luksave long dispela o nogat?

Yumi save givim gutpela bekim olsem Maria bilong Bethany i sindaun long lek bilong Jisas na i harim em? O yumi bisi tumas long kain kain wok bilong dispela graun na lusim tingting olgeta long visitesen bilong em?

God i putim yumi long dispela graun bai yumi ken wokim tupela wok wantaim, PREA na WOK. Wok na prea tupela i mas wokabaut wantaim o stap balans.

Lainim gutpela pasin bilong Abraham (Genesis:18:1-10) na Maria (Luke: 10: 38 - 42). Yumi welkamim God long TOK bilong em na long Sakramen bilong em. Planti Katolik manmeri i save welkamim God long Tok bilong em tasol. Ol i lusim tingting long welkamim em long Sakramen, na moa yet long SKomyunio - we Jisas i kam na stap insait long lewa bilong yumi.

Tingim gut!

God i laik kamap visita bilong yu olgeta de. Olsem na stap redi oltaim long mekim gut na welkamim em. Mekim gut long olgeta manmeri - moa yet long smail bilong yu. Taim yu givim smail long wanpela man o meri, yu givim smail i go long God. Smail bilong yu i mekim em i amamas na pilim welkam insait long haus bilong yu o wok ples bilong yu.

Smail em i fri. Olsem na yu noken pret long yusim. Yusim smail bilong yu long wanpela taim long wanpela de.

Pre long kantri na gutpela lidasip ...Ogas 26 em Nesenel Preia De

SINGAUT i go long ol manmeri bilong dispela kantri long pre long gavman na ol lida i ken mekim ol gutpela disisen bai helpim gutpela developmen long kantri na laip na sindaun bilong pipel.

Deputi Praim Minista, Sam Abal, i wokim dispela singaut taim em i tokaut long Ogas 26 olsem Nesenel De bilong Preia De long PNG.

Em bin toktok long dispela samting las wiken long opim wanpela wik lotu kibung

bilong ol meri i memba bilong Riniuwol Luteran Sios i bin kam long olgeta hap bilong kantri long stap long bung i kamap long Mosbi siti long dispela wik.

Mista Abal i tok Nesenel Gavman i bin luksave, tok oraitim na gesetim Ogas 26 olsem Nesenel Preia De bilong PNG.

"Ogas 26 em dispela de we Gren Sif, Se Michael Somare i bin sainim kavanen we ol sios long PNG i bin redim na putim PNG i go

long han bilong Bikpela bilong yumi em God bilong Israel.

"Mi singaut lon g olgeta long dispela yangpela Kristen kantri long pre long dispela de long gavman na ol lida i ken mekim ol gutpela disisen bai kamapim ol gutpela samting long ol pipel bilong yumi," Mista Abal i tok.

Mista Abal i askim pipel long pre na putim ol famili, ol komyuniti, sosaiti na kantri i go long han bilong

God na askim long stia, gutpela save na lidasip long dispela kantri i ken go gut.

"Olsem wanpela yangpela Kristen kantri, yumi ken givim gutpela piksa taim yumi holim pas na soim long ol narapela Kristen bilip bilong yumi na ol i ken bihainim.

"Yumi mas pre hat long kantri i gat ol gutpela kristen lida na ol korap na ol narapela pasin i no stret bai stop taim ol stretpela man i bosim kantri," Mista Abal i tok.



VUNAPOPE KATITREL:

Wanpela naispela sios bilding long Katolik Sios em Vunapopel Katitrel long As Daiosis bilong Rabaul, Is Nu Briten provins. **Wantok Fail Poto**

Fan resing wok long stretim Bomana seminari

ASKIM i go long ol Katolik pipel long dispela kantri long sapatim Holi Spirit seminari ausait long Mosbi siti wantaim ol fan resing wok em i wok long karimaut nau.

As long karimaut ol fan resing wok em long stretim ol bilding long seminari we ol bin bildim klostu long 50 kris-

mas i go pinis, long 1967.

Wanpela long ol namba wan sumatin long dispela seminari, Pater Peter Miria, i bin toktok long dispela fan resing wok long ol perisina bilong Sen Charles Lwanga Peris, Gerehu, insait long Mosbi siti.

Pater Miria i tok pastaim

semonari i bin stap long Maiwara long Madang provins, tasol ol bin lusim dispela ples na ol seminari sumatin surik i kam long Bomana long 1968, bihain long ol bin sanapim ol nupela sios na skul nap les bilong slip bilding long 1997.

Em bin givim liklik histri

bilong seminari na singaut long ol Katolik pipel long kantri long givim helpim bilong ol.

Em i tok taim bilong ol misi-nari i go pinis na em i taim nau long ol PNG Katolik bilip manmeri long mekim ol samting long sapatim sios na seminari bilong ol.

OL Hap Hap Nius i kam long Zenit Nius Ejensi, Vatikan

■POP Benedict 16 bai harim konpesio bilong sampela yangpela long Wol Yut (WYD 2011) bai kamap neks mun Ogas long Madrid long kantri Spein (Spain). WYD em dispela bikpela bung ol yangpela Katolik pipel long olgeta hap bilong wol i save bung bihain long olgeta 4-pela yia long serim ol tingting, pre wantaim, wokim ol nupela pren na stap insait long ol sosel na spiritual ektiviti na progrem long strongim spirituel na fisikel laip bilong ol. WYD bai stat long Fonde Ogas 19 na pinis long Sande Ogas 21. Pop bai go kamap long Madrid long Fonde belotaim na bungim ol WYD lain long 7.15 pm nait long Plaza de Cibeles. Moa long 500,000 yangpela pipel i save kamap long ol WYD bung long ol kantri dispela bikpela yut bung i save kamap long en.

■YUNAITET Nesens Edukesenel, Saisentifik na Kalsereel Ogenaisesen (UNESCO) i givim luksave long 7-pela grup bilong ol monastri o ples bilong ol pater, sister na bruder, ol sios na ol kasel o ples bilong ol royel famili na putim ol long Wol Herites Lista. UNESCO i save kontribuit long belgut (peace) na sekyuriti long wol taim em i promotim wok bung long intanesenel level aninit long ol progrem bilong edukesen, saiens na kalsa. Ol bilding i gat histri long ol i stap long Peninsula bilong Itali em ol lain bilong Lombard i bin bildim

long yia 568-774 AD. Ol Lombard lain bilong noten Yurop i bin go sindaun long Itali na developim kalsa bilong ol long Italian peninsula na sanapim ol dispela ol gutpela na naispela stail bilding ol i miksim aidia bilong Ensen Rom, Kristen spiritueliti, Baizantin na Geman na noten Yurop we i sanap tude yet na UNESCO i givim Wol Herites Lista luksave. Sevenpela bilding em Gastaldaga eria klostu long Udine long not Itali we ol sios bilding, tempol na monastri i stap long en, Monastri bilding long San Salvatore- San Giulia long not Itali we olpela Lombard king Desiderius I bin statim Benedictain konven long 753i narapela, Torba Tawa na sios klostu long Milanem narapela, San Salvatore long Spoleto, Sentrel Itali we olpela na naispela sios long Itali ol bin bildim long senseri 4, i sanap long en i narapela. Skruim i go em Tempietto del Clitunno long Umbria, Santa Sofia bilding klostu long Benevento klostu long Naples we long ol wan wan taim, ol Benediktain Monk na ol Sister, ol Jesuit Pater na ol Kamelaits i bin stap long en. Laspela na olpela long ol sios long Westen Yurop i kisim Wol Herites Lista luksave em long Santueri bilong San Michael ol i save kolim tu Santueri bilong San'Angelo sul Gargano i stap long sautis Itali. Ol Wol Herites ples em ol i save kisim bikpela luksave long sait bilong environmen. Na ol i save kisim bikpela luksave long ol kantri ol i stap long en.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Australia Pasifik minista i go long UN

PALAMEN Sekreteri bilong Australia long Pasifik Ailan Afes, Richard Marles, i go nau long Yunaitet Nesens long stap insait long wanpela Sekyuriti Kaunsil dibet toktok long Klaimet senis na sekyuriti.

Rob Sharp i ripot long tok Richard Marles i tok ol kantri bilong Pasifik i fesim bikpela hevi long dispela ol senis long klaimet senis.

Em i tok dispela ol kantri i bungim dispela ol bagarap long envairomen i no wok bilong ol.

Em i tok stap bilong en insait long UN dibet, i soim olsem Australia i gat bikpela bilip long takolim dispela isiu.

Mista Marles i bai bungim ol ambeseda makim ol Pasifik nesen na ol liklik ailan kantri insait long ol arapela kantri, wantaim tu ol UN opisal.

Sentral Australia pipel i statim Baibel Translesen bilong Olpela Testamen

WANPELA nupela baibel translesen projek bai lukim moa long 50 Pitjantjatjara Kristen insait long ol inijinas o asples komyuniti bilong Sentral Australia long tanim Olpela Testamen long Inglis i go long tokples bilong ol.

Sampela ogenaesen olsem Baibel Sosaiti i wok wantaim long trenim ol transleta o manmeri bilong tanim tok, wantaim tu sampela Pitjantjara pipel, husat i bin statim tanim tok bilong Nu Testamen klostu tenpela yia i go pinis.

Karen Mudge bilong Bible Society Australia, i tok dispela wok bilong Olpela Testamen projek bai kisim 15 yia samting long pinisim.

Bisnis bai takolim pasin 'slevari' long Esia

WANPELA nupela grup insait long Hong Kong i tok ol i makim namba wan bisnis lain long pait hat long stopim 'slevari' insait long rijen.

Karon Snowdon i ripot em bai lukluk long ol kantri olsem China, Thailand, Cambodia, Laos, Vietnam na Burma.

Membasip bilong Mekong Club, i bungim ol IT, fainens, midia, na ligel profesenal husat i tok bikpela wok bilong ol, em long yusim bisnis long stopim pasin slevari.

Meri i statim klab, Jude Mannion, i tok 9 milian bilong samting olsem 23 milian pipel raun long wol, i wok olsem ol 'slev' insait long ol fektori, pising bot, na pasin pamuk insait long bikples Esia.

Insait long dispela wokbung, ol bai givim ol gavman, NGO na polis fos ol nupela teknoloji na ligel halivim long takolim

dispela isiu.

Ripot i tok 30 pipel i dai bihainim ol pait

OL RIPOT i kam long Siria (Syria), i tok samting olsem 30 pipel i dai insait long Homs siti bihainim ol pait namel long ol sapota na oposisen lain i no sapotim Presiden Bashar al-Assad.

Sirian Obsevatori bilong Humen Raits, em i bes long London, i tok dispela trabel i bin kamap 160 kilomita arasait long not bilong kapitel bihain long ol i kidnepim tripela sapota bilong gavman long las wik na bihain kilim ol.

Em i tok bikpela namba bilong ol pipel i bin dai long han bilong ol ganman, na sekyuriti fos i no mekim wanpela samting long stopim pait.

Dispela birua i kamap taim ami i wok long muv i go long boda bilong tupela taun insait long is na wes long stopim ol protes no laikim gavman.

PNG polis sif i askim pipel long ripot long ol korap opisa

POLIS Komisina bilong Papua Niugini i tokaut long wanpela narapela we bilong stopim ol pipel long noken givim gris mani i go long ol korap polis opisa.

PNG niusman Liam Fox i ripot dispela ol toktok bilong polis sif i bin stap insait long wanpela stetmen we i tok 'braiberi' i stap insait long olgeta hap bilong PNG laip, na i no long polis fos tasol.

Wanpela eksampel em i tok i save kamap oltaim, we ol pipel i save peim liklik mani i go long ol opisa long ol i noken peim fain mani long ol trafik ofens o i no werim sia let.

Tasol Komisina Wagambie i tok ol pipel i mas peim dispela ol fain na maski yusim dispela pasin long promotim pasin braiberi long komyuniti.

Em tu i askim pablik long ripotim ol korap polis opisa husat i askim long mani insait long wokples.

Insait long dispela ol wik i pinis, Komisina Wagambie tu i nemim na semim ol opisa long pablik we em i pinisim ol long wok oa rausim 'renk' bilong ol long fos.

Australia Prait Minista i tok em i gat bikpela wok long kabon takis

PRAIM Minista bilong Australia, Julia Gillard, i tok em i no saprais o kirap nogut long ol nupela 'opinion pol' we i soim sapot bilong gavman bilong em i go daun olgeta.

Ol namba wan praimer vot bilong Labour i pundaun long 26 pesen insait long Nielsen pol, namba wan bikpela poll ol i kisim stat long taim

gavman i tokaut long kabon takis.

Dispela pol i bihainim toktok bilong ol pipel olsem ol i laik Tony Abbott olsem Prait Minista, na i no Julia Gillard.

Mis Gillard i tok em i gat bikpela wok long mekim long tokim ol vota long 'kabon takis'.

Olpela Fiji ami lida i laikim halivim bilong Pasifik Forum

OLPELA militari komanda bilong Fiji, Leftenen Kenal Ratu Tevita Mara, i singautim ol lida bilong Pasifik Ailan na Melanesian Spiahet grup long sapotim Fiji long go bek long demokrasi long Fiji.

Moa long 200 pipel i bin stap insait long wanpela bung bilong Fiji komyuniti long Sidni long harim em i toktok.

Ratu Teviva, wanpela bipo sapota bilong Bainimarama gavman, tasol nau i tanim baksait long ol, i tokim dispela bung long Sidni olsem dispela ami Gavman i wok long bagarapim sindaun na laip bilong Fiji.

Em i tok ol i save paitim nating ol pipel, pasim maus bilong ol pipel long toktok agensim ol, na lus tingting long stopim korapsen na ekonom i go daun long kantri.

Ratu Tevita i tokim miting em i bilip Pasifik Ailans Forum i gat pawa long bringim wanpela senis insait long Fiji.

Na em i askim olgeta lida long kivung bilong ol Forum lida long Oklen (Auckland) displa yia long 'tek eksen' long Fiji i mas go bek long demokrasi.

UNICEF i helpim pipel long Sauten Somalia

YUNAITET Nesens Childrens Fund i salim faiv tausen tan hevi bilong kaikai na marasin long ol sata balus ron i go long halivim ol pikinini insait long Sauten Somalia, we ol i wok long sot tru long kaikai insait long dispela hap ol i kolim – Horn of Africa.

Dispela em i namba wan taim long salim kaikai na marasin stat long taim biket muslim grup – Al Shabaab i rausim tambu ol i putim i go long foren eid grup.

BBC ripota Martin Plout i tok dispela 'drop of' i bin kamap long Baidoa taun em i stap long not wes bilong kapitel, Mogadishu.

Dispela eria i stap aninit long kontrol bilong Al Shabaab, na nau ol i oraitim halivim long go insait long ol pipel na planti tausen pikinini.

Rozanne Chorlton bilong UNICEF long Somalia, i bin tok ol pipel bilong Al Shabaab i promisim ol eid ejensi olsem ol bai no inap stopim olsem bai no stopim ol insait long dispela taim bilong halivim pipel.



Air Niugini

PABLIK NOTIS

**PLES BILONG STAP NA KAIKAI BILONG OL PASINDIA
HUSAT MAUNTEN PAIA NA BIKPELA REN NA WIN I
PASIM RON BILONG BALUS BILONG OL .**

Air Niugini i laik toksave long ol pasindia long sampela ol samting ol i mas save sapos balus bilong ol i no inap long mekim ron bilong em.

Yu mas save olsem Air Niugini bai **no inap** givim yu ples bilong silip na kaikai sapos **ol hevi olsem maunten paia, bikpela ren, win na ol narapela samting olsem i pasim ron bilong balus.**

Em i no asua bilong Air Niugini taim ol dispela kain hevi i kamap, olsem na ol pasindia husat i no inap go long dispela taim i mas painim kaikai na ples bilong ol yet long stap.

Ol wokmanmeri bilong Air Niugini bai helpim yu long bukim sit bilong yu long narapela ron bilong balus long bihain taim, tasol yu yet mas painim kaikai na ples bilong silip. Air Niugini i laik tok klia long dispela long pablik bihain long sampela askim i kamap taim bikpela ren na win i pasim ron bilong balus bilong ol.

Tenkyu long luksave na wokbung wantaim.

Air Niugini Menesmen.



WANTOK
KOMENTRI

**Sapos yu asua pinis,
tokaut stret**

TAIM yumi wan wan i asua, em i save hat tru long tokaut long ol arapela, olsem yumi yet i asua pinis.

Planti taim, bai yumi tok, 'nogat. Mi no save long dispela', tasol tru tru, yumi save olsem yumi rong pinis.

Tasol pasin bilong yumi Papua Niugini, i olsem.

Maski yumi mekim paul pasin, sapos nogat man i save long rot yumi mekim paul pasin long en, bai yumi go het long mekim.

Bai yumi tokim olgeta arapela poroman, olsem i tru, i gat ol sut toktok i stap, na i tru olsem em i bikpela asua, tasol olgeta wok i bihainim stret olgeta stretpela rot bilong mekim wok.

I tru, olsem wok i ken bihainim olgeta wokabaut bilong en, tasol as tingting long dispela wok o mani i go aut, na astingting long husat manmeri mipela i makim long dispela ol mani o wok, em i samting we i asua.

Pasin bilong ol lain wasmanmeri bilong mani bilong pablik, i save bihainim strong bilong ol sistem i stap pinis long kliaim gut wok mani i kam insait long tresari, na i go aut.

Sapos i gat manmeri insait long tresari yet, husat i kisim na holim stil mani long laik bilong em yet. Orait, dispela wokmanmeri i no moa fit long holim dispela wok.

Wanpela bikpela asua pasin we i stap strong pinis insait long ol bikpela hausmani bilong gavman, em ol lain opisa manmeri husat i stap insait long wan wan hap wok bilong mani i go aut long kirapim wok developmen na strongim kantri.

Sapos i gat gutpela lida i stap yet husat i laik lukim mobeta sindaun bilong ol pikinini na lain tumbuna bilong em, em i mas go pas long strong na klinim gut na rausim olgeta ol stilmanmeri insait long dipatmen bilong fainens na plening na monitaring.

Mama loa, na olgeta liklik loa bilong en i save givim strong long pasin demokrasi, na fri sindaun na wokabaut bilong yumi olgeta manmeri long kantri.

Sapos i nogat gutpela luksave long bihainim stretpela pasin, stretpela tingting, na stretpela toktok, pasin bilong stil bai strong yet.

Lida man, na lida meri. Sapos yu tok olsem yu lida, orait. Mekim stret wok bilong lida, na noken mekim wok long kisim biknem na luksave tasol.

Pasin politiks i bin kam bihain long pasin bilong luksave long gutpela na stretpela sindaun bilong wan wan manmeri.

Wokim samting stret.

Gavman i paul olgeta

EM taim nau long gavman mas tok klia sapos em i sanap strong yet long ranim kantri bilong yumi Papua Niugini long nau i go inap long 2012 nesenel ileksen.

Nau yumi lukim o harim kainkain kot salens na paul long eksen bilong ol Gavman Minista i kamap we i soim ol no sanap strong. Planti rong disisen tu wok long kamap na kot i wok long kamautim ol dispela rong bilong ol gavman minista na memba stap.

Kainkain samting i kamap long gavman long tude.

Kain olsem Minista bilong Stet Entaprais na memba bilong Angoram Arthur Somare em Kot tokim em long lusim opis nau na stap ausait long wetim Lidasip Traibunel Kot bilong em.

Kot i tokim tu Minista bilong Fainens na Tresri na memba bilong Aitape Lumi Patrick Pruaitch long lusim opis tu na wetim Lidasip Traibunel kot bilong em.

Tasol Mista Pruaitch tok em no inap lusim opis yet bikos kot bilong em i bin kamap pinis long Suprim Kot we i bin kisim em kam bek long opis. Ol stiaman o loya bilong em i tokim em long noken lusim opis yet.



Ekting Praim Minista Sam Abal i skelim wok minista long ol memba na em lusim tingting long em yet taim em givim wok bilong em olsem minista bilong Woks na Trensport i go long memba bilong lalibu Pangia Peter O'Niell.

Taim em em mekim dispela, em nogat minista na dispela i mekim em no inap holim wok bilong Deputi Praim Minista na Ekting Praim Minista moa bikos em nogat wok minista aninit long Loa.

Tasol Mista Abal i tok em holim wok minista bilong Imigresen tasol wanpela loya i tok dispela i no tru bikos taim Mista Abal bin skelim wok minista long ol memba long las wik, em givim wok bilong Foren Afeas na Imigresen go long memba bilong Rigo Ano Pala.

Olsem na em yet i nogat minista we em no fit long holim Deputi Praim Minista na Ekting Praim Minista long nau yet.

Olsem na Praim Minista Gren Sief Sir Michael Somare husat i sik na stap long haus sik tasol i gat pawa long makim husat inap kamap Ekting Praim Minista namel long olgeta minista nau.

Bikpela paul tumas na soim olsem ol minista long gavman nau i lus lus nabaut bikos i nogat lida nau long holim strong na go pas long ol minista na Gavman tude.

Planti saveman, planti edvaisa, kainkain tingting na kainkain paul disisen kamap pinis na ol lida i brukim lo nabaut we ol i no ting long en.

Memba bilong Kandep, Don Poly, em pati lida bilong Nesenel Alaiens (NA) makim Hailans rijen tasol em nogat ministri. Em memba nating na em nogat pawa long mekim wanpela bikpela samting long gavman. Ating wanpela strongpela lida tasol pati inap makim long ranim gavman inap 2012 em Gavana bilong Is Nu Briten provins, Leo Dion. Tasol em no pati lida olsem na Nesenel Alaiens mas bung hariap na stretim lidasip bilong pati long stretim dispela rot bilong makim pati lida na lida bilong Gavman.

Noken traim grisim ol memba na paolim ol sapot nabaut. Bikos em ples klia pinis olsem Hailans em bruk pinis, Momase em bruk pinis, NGI em bruk pinis. Sauten rijen i nogat rait man long holim dispela lidasip wok.

Sori tumas bai Oposisen i sambai nau long senisim Gavman long holim strong kantri na ol bikpela bikpela wok developmen we i wok long kamap tude. Sapos ol Gavman memba i paul, orait joinim Oposisen na yumi ranim gut kantri long nau inap 2012 nesenel ileksen. Oposisen gat ol lida husat ken ranim kantri i stap. Tupela olpela Praim Minista Sir Mekere Morauta, Sir Julius Chan, tupela olpela Deputi Praim Minista em Sir Puka Temu na Bart Philemon na strongpela Gavana bilong Westen provins Dokta Bob Danaya. Ol gat ol strongpela yangpela lida i stap olsem memba bilong Anglimp Saut Wagi Jamie Maxtone Grame, memba bilong Bulolo Sam Basil na memba bilong Vanimo Grin Belden Namah na ol arapela.

Tingim kantri nau na mekim samting. Noken tingim pawa na hangamap nating nating i stap.

WANTOK
Published Weekly, Thursday, for Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantok.com.pg
Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 15%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Papa na pikinini bekim askim

SIAMAN bilong BSKyB, James Murdoch (lephan) na papa bilong em, News Corp Sif Eksektiv na Siaman Rupert Murdoch (raithan), i kamap long ai bilong wanpela palamen komiti long ol paul pasin bilong harim stil toktok bilong ol manmeri long telepon long Portcullis Hous long London, long Tunde dispela wik.



Ol dolpin i danis

COLLINS klas sabmarin, HMAS Dechaineux i brukim solwara na wanpela dolpin i swim na kalap long fran bilong en.



Ol pikinini i makim bonde bilong Mandela

WANPELA grup sumatin i stap insait long wanpela henova seremoni long Julai 17 long Nelson Mandela Faundesen long Johannesburg long makim namba 93 bonde bilong Nelson Mandela, presiden bilong Saut Afrika. Sariti faundesen bilong Mista Mandela yet i makim Julai 18 olsem Mandela De. We Yunaitet Nesens i luksave long en olsem de bilong volantia na mekim gutpela wok wantaim gutpela bel inap long 67 minit, we i makim wan wan yia bilong Mandela insait long wok politiks long Saut Afrika.

Nogat kaikai

WANPELA lapun man Somalia i sindaun ausait long wanpela haus sel long Bulu Kontrol Intenal Disples Pipel setelmen long Galkayo, notwes long kapitel siti bilong Somalia, em Mogadishu.



Siaguru mekim mak long polis

Bustin Anzu i raitim

LONG 1998, taim lapun meri Martha i bin lusim laip bilong em, Pauline Siaguru i bin wari nogut tru na krai. Em i sori olsem dispela lapun meri em i olsem tisa na gaidens bilong em long laip.

Em i peim respek na go long haus krai long ples Nongar, insait long Kerowagi distrik, Simbu provins, na stap wantaim ol lain bilong en inap ol i bin rausim haus krai bilong en.

Siaguru i save gut tru olsem lapun Martha em i kamap namba wan meri long laip bilong em. Ol gutpela toktok bilong bubu Martha na ol advais em i kisim long en, i no moa bai mekim wankain.

Na hanmak bilong lapun Martha i stap wantaim em long dispela dei em i lusim hai skul long 1981 i kam inap nau na i bin putim Martha long namba wan lis bilong givim ol samting o toktok wantaim.

Taim em i lukluk i go bek long ol dispela yia i kam, em i tok bubu Martha em "bubu lewa" bilong em.

Wanpela as bilong wanem na Pauline i lukim Martha olsem wanpela sif advaisa long laip bilong en em taim bubu bilong em ino laikim em long kamap nesmeri.

Siaguru i tok: "Bubu Martha i no laikim mi go nesmeri long wanem Vunapope Skul ov Nasing em longwe tumas na nogut mi kisim bagarap o mi no go bek long ples."

Taim lapun Martha i tok olsem, Siaguru i kros na belhat long bubu long wanem, em i save olsem Rabaul em i longwe na em bai sans bilong em long ron long balus na go long ples maunten paia, kisim skul long kamap nes na bihain go bek na wok long sampela ol hausik long Hailens.

Em i tingim olsem em ol sans trening, sans balus tiket, sans wok na laip bilong en bai senis.

Em i save lukim ol nesmeri long Kerowagi Helt Senta na driman olsem em bai go trening tupela yia na bihain kam na joinim ol.

Tasol taim Martha i mekim dispela toktok, em i no amamas na em i no laikim em moa. Em i belhat na kalap long Hailans bas na go long Goroka wantaim anti bilong em Mary Barre, bihain tasol long pinisim Kerowagi Hai Skul long 1982.

Em i stap long Goroka na narapela brata bilong en Joe Witne i helpim em long go kamap polimeri, taim rikrut i kamap long Goroka.

Gavman i senisim loa na tok orait long Polis Dipatmen i ken kisim ol yangpela meri long mekim wok bilong polis na kamap polimeri.

Long 1977, namba wan rikrut i kamap na 5-pela yia bihain, Pauline Kua Siaguru i join long kamap polimeri.

Em i pasim tes long kamap polimeri na i no long taim, long 1982, dispela meri Damba i stap pinis long Bomana Polis Koles long kisim trening bilong kamap polimeri.

Bihain long 29-yia bilong em long polis, em i lukim olsem lapun Martha i no mekim asua long tambuim em long go kamap nesmeri.

Sampela yia bihain taim em i stap



Inspekta Siaguru, sanap namel long tupela bos bilong em Sif Superintenden Allan Kundi (l) na Polis Komanda bilong Morobe Sif Superintenden Peter Guinness, bihain long Siaguru i bin go skruim save long wanpela menesmen kos long Madang long dispela yia. Foto: Bustin Anzu, Summit Images

polimeri long Lae, em i go holim pasim lapun Martha na tok tenkyu tru long pasim em long go long Rabaul, Ailan bilong Nu Briten.

Nau, Inspekta Pauline Kua Siaguru i sanap long Bareks Opis bilong em long Bumbu Polis Bareks, Lae na lukluk i go olsem long pereid graun na lukluk i go moa na lukim busples i stap.

Tupela haus i sanap na i no longtaim bai tupela haus i pundaun, long wok bilong temait (termites). Gras i gro long ol sait bilong dispela tupela haus.

Opis bilong em yet tu, i luk olupela pinis na i no longtaim, em bai pundaun long tit bilong temait tu.

Na insait long laip taim bilong em olsem polimeri, em i amamas tu long wok bilong em na promosen.

Em yet i amamas long kisim dispela renk olsem inspekta bilong polis long sotpela taim tasol.

Nau slip long wanpela gutpela na naispela haus long get bilong bareks na i luk olsem laip bilong disiplin i isi, tasol kamap olsem wanpela mama na papa wantaim wok bilong en, em i hat.

Ol trupela meri i ken mekim dispela kain wok.

Planti taim na long taim bilong bipo, meri i gat wok long haus na ples na famili. Ol narapela wok olsem kamap lida insait long Komyuniti na ples em samting bilong ol man. Tasol dispela tumbuna tingting na pasin i senis na ol meri i kisim o holim ol bikpela wok insait long kantri na wol tu.

Laip stori bilong Inspekta Pauline Siaguru i wankain bihainim ol narapela stori bilong ol lida man meri long ol kain kain wok.

Kamap long famili long 7-pela na em yet i kamap namba wan long papa Kua Ludwig na mama Dorothy Goiye, em stil wok long kisim pasin na laipstail bilong lidasip bilong papa bilong em.

Kua Goiye em wanpela lidaman bilong ol Damba wan lain pisin long Gena Waugla Lokol Level Gavman.

Pauline i kisim dispela spes na sapos em i kamap man, em inap kamapim wanpela gutpela lida bilong ol Damba traib

long Gena Noglka wan lain pisin.

Nau em i holim wok olsem bos meri bilong olgeta polis bareks insait long Morobe provins, samting we em i save painim hat long inapim olgeta bareks long wanem, hevi bilong kar o sip i go long ol narapela distrik insait long provins.

Pauline Siaguru, nau i joinim narapela sikspela polimeri long kamap olsem ol Komisen polis opisa (Komisen opisa).

Wanpela samting i save mekim em bel isi em long wanem, em namba wan polis meri insait long Hailens rijen long kisim dispela kain renk insait long polis fos. Renk bilong Inspekta em i kisim long we bilong promosen.

I gat narapela tripela polis meri i kisim kain renk olsem em long promosen. Dispela tupela meri em Sif Inspekta Cathy Dobb na Miriam Yawa.

Narapela em Superintenden Joan Danguome tasol em i lusim ol pinis (dai).

Narapela 4-pela polimeri husat i kamap opisa long kedetsip em ol Sif Inspekta Delilah Sandeka, Joan Clarkson na Silvia Reu na Sinia Inspekta Maria John.

Insait long laip stori bilong ol polimeri bilong Royal Papua Niugini Konstabuleri (RPNGC), i gat sevenpela polis meri husait em ol Komisen opisa.

Em i stat long 1983, taim bikpela ren na hai tait i rausim ol manmeri husat i stap na wokim haus arere long Wara Bumbu yangpela Pauline i stap na helpim ol.

Long dispela yia tu, Pauline, husat i gat 19-pela krismas long dispela taim, i amamasim mama karim de bilong em wantaim ol turangu bilong Wara Bumbu.

"Mi stil ken tingim dispela yia, long 29 Ogos, long wanem, mi yangpela meri na 19-pela yia bilong mi. Bonde selebresen bilong mi em mi spendim wantaim ol dispela lain we wara i bagarapim ol," em i tok.

Kopul bilong en, em i kisim long 1987, 5-pela yia taim bilong em long kamap na wok olsem polimeri. Na tupela yia bihain, em i kisim sinia Konstabel.

Long dispela taim, i gat pepa i kam na tok olsem ol bai lusim dispela kopul renk na bai kisim Sinia Konstabel stret. Dis-

pela i mekim em i kisim narapela straip insait long tupela yia tasol.

Long 1993, em i kamap Sajen, bihain long atendim wanpela Sajen kos na sindaun long promosen bilong Sajen. Narapela tupela yia bihain (1995), em i kisim narapela namba we ol i kolim long Sinia Sajen.

Na long narapela tupela yia bihain (1997), em i kisim promosen olsem Sif Sajen. Na 11-pela yia bihain, em i kisim renk olsem Inspekta, namba wan renk long kamap olsem Komisen Opisa (CO) long straksa bilong polis fos bilong Papua Niugini.

Man bilong em long 22 yia Aloius Siaguru, i lusim em wantaim 4-pela bikpela pikinini long 2007 (dai), we bikpela pikinini bilong em i gat 24 yia na liklik i gat 11-pela krismas.

Ol dispela pikinini bilong en, em ol pos tru bilong haus bilong ol, maski papa bilong ol i lusim ol 3-pela yia i go pinis.

Wanpela samting we givim em strong long mekim wok bilong en em ol pikinini wantaim ol bos bilong polis na ol wanwok bilong em.

Aloius tu, i kamap long wanpela bikpela Siaguru famili bilong Is Sepik, we Siaguru nem i pairap long planti kain wok na save wantaim.

Ol i kamapim gutpela sindaun namel long ol yet, ol i sapotim ol yet na tu, mekim olsem bosmeri na mama bilong ol i mas kisim gutpela tingting long mekim wok bilong em olsem Inspekta Pauline Siaguru, olsem bos bilong ol polis bareks insait long Morobe provins.

Em i tok em i save painim hat long wok tu, long wanem, wok bilong lukautim bareks em i bikpela samting na planti taim em mas toktok hat long ol wanwok bilong em.

Wanpela bikpela samting em i amamas em lukim ol polisman meri bilong em i kisim nupela ol haus long Giossi Labi Polis Bareks long Is Taraka.

Em yet i save olsem long pait hat na kisim haus olsem em i hatwok na tu, ol man inap mekim dispela wok. Tasol em i no wari, karim pepa i go long dispela opis, karim toksave i go long narapela opis, ol kain wok olsem em i mekim long kisim dispela ol haus.

Nau, em i amamas olsem ol polisman na meri i slip long gutpela haus na mekim em i bel isi olgeta.

Taim ol i stap yet long Bumbu, komplek bilong ol long temait (binatang bilong kaikai diwai) na wara saplai na kainkain i save mekim em het pen tu.

Nainti tri (93) polisman na meri na 22-pela opisa i muv i go long dispela 115 polis haus we Nesene Gavman i baim long K22.5m.

Narapela 250 polisman meri i stap long Bumbu Polis Bareks, we temait i bagarapim long en. I no gat narapela hap bai ol i go olsem na ol i stap yet.

Narapela samting long wok bilong em, 35-pela polisman em i wokim rot bilong en wantaim Polis Dipatmen na ol i salim i go long ples bilong ol.

Em i tok Lae em senta poin bilong sip na kar na planti bisnis i wok long kamap long Lae na ol i nogat namba long holim o lukautim siti.

Raun wantaim Kanage olgeta wik



NEM: Ludwig Hesai
KRISMAS: 21 (man)
ADRES: Kilipau village, P.O. Box 96, Vanimo, Sandaun Provins
SAVE LAIKIM: Senisim Presen, pilai soka, harim musik na raitim pas.

NEM: Benjamin A. Wep
KRISMAS: 20 (man)
ADRES: Kilipau Village, P.O. Box 96, Vanimo, Sandaun Provins
SAVE LAIKIM: Pilai soka, voli bol, senisim presen na painim wanpela meri long maritim.

NEM: Patrick Gisiye
KRISMAS: 20 (man)
ADRES: New Century Wholesale, P.O.Box 218, Kiunga Western Provins
SAVE LAIKIM: Pilai soka, mekim pren, raitim pas, go lotu na senisim presen.

NEM: Benuel Kapamai
KRISMAS: 18 (man)
ADRES: P.O. Box 2901, Lae
SAVE LAIKIM: Pilai soka, volibol, pilai gita, harim musik, ritim buk na go lotu

NEM: Bairy Wou
KRISMAS: 20 (man)
ADRES: Kilipau Village, PO Box 96, Vanimo Sandaun Provins
SAVE LAIKIM: Raitim pas, senisim presen, pilai soka, volibol na painim wanpela meri long maritim.

NEM: Benny Wagu
KRISMAS: 18 (man)
ADRES: Kilipau Village, P.O.Box 96 Vanimo Sandaun Provins
SAVE LAIKIM: Senisim presen, raitim pas, pilai soka, volibol na harim musik

NEM: Terence Mathew
KRISMAS: 16 (man)
ADRES: Ohu Primary School, PO Box 169, Madang511, Madang Provins
SAVE LAIKIM: Go skul, harim musik, go Lotu, raitim pas na mekim pren

NEM: Tenny Paul
KRISMAS: 19 (man)
ADRES: Komabea Primary school, PO Box 220, Kerema, Gulf Provins
SAVE LAIKIM: Pilai spot olsem volibol, soka na basketbol, harim musik, ritim niuspepa na wok

NEM: Jamie Awe
KRISMAS: 29 (man)
ADRES: C/Hargy Oil Palms, PO Box 21 Biella, West New Britain Provins
SAVE LAIKIM: Lukim rugbi, mekim poroman wantaim ol arapela na painim wanpela lotu meri bilong maritim

NEM: Atasing Bafike
KRISMAS: 27 (man)
ADRES: Bumbum Primary School, PO Box 4588, Morobe Provins
SAVE LAIKIM: Harim musik, pilai soka, wat-sim TV na pilai kompyuta gem

US soldia

KANAGE em i US Soldia em laik dai long haus sik bet bilong em na em i askim nes long karim US Flek i kam na em bai kis long em na bihain em bai dai gut. Nes i bekim, 'nogat wanpela flek insait long haus sik, tasol mi gat wanpela tatu bilong flek i stap long as bilong mi. Kanage harim na tok, 'honest, mi bai amamas tru long kis long em,' Em kis pinis na tokim nes, "Plis tanim na mi tok halo long Presiden Bush"

Sims 4mie
 Popondetta

'Luk' long bas

KANAGE i raun long Kimbe taun i go na mani pinis long pasin bi-



long salim wasa long long nabaut. Apinun nau, na Kanage kalap long las bas stret "WANBEL NAPE" na em i ron i go olsem long Bu-vussi. Bas i lusim Mai rotbruk i go antap nau, boskru i kolektim bas fe long ol pasindia. Boskru kisim bas fe long ol pasindia i go na kamap long Kanage nau, Em sikirapim het bilong em tasol na tok isi long boskru "Mi Luk". Boskru i no harim gut na em i askim Kanage, yu toktok strong na mi harim, Kanage i no westim em i kirap tokim boskru stret, planti taim mi save baim bas bilong yu. Sori nau yu Wanbel

Nape long mi na mi "Lukim Bus" boskru em paul olgeta. Em i laik lap o em i laik hatim Kanage. Em kirap tokim Kanage ol man i save luk long pilai kas tasol. Nau yu stat long lainim ol man long luk, long bas bai no long taim ol man i stat long luk long ol sip na balus wantaim. Ol pasindia i harim olsem na olgeta i lap.

Brenden Kilo
 Kimbe

Ol skwat!

Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.
 Email: atolire@wantok.com.pg

Yangpela meri stap long hevi

Dia Laipain,

PAPAMAMA bilong mi i dai pinis sampela krismas i go pinis long birua bilong kar long narapela provins.

Olsem na liklik brata bilong papa bilong mi i marit long narapela provins i bin kisim mi taim mi liklik yet na i gat 8-pela krismas tasol na ol i lukautim mi. Nau mi gat 21 krismas na mi wokim namba tu yia skul bilong mi long wanpela teseri institusen long kantri. Long lukluk bilong mi, sampela senis mi wok long lukim i narakain na i no olsem bipo taim mi liklik we mi bin stap amamas ma groap.

Anti na ankle bilong mi i save komplem olgeta de na tromoim ol toktok long ol samting mi no mekim. Na mi no amamas long dispela. Mipela i save go lotu long Pentekostel Sios olgeta Sande tasol dispela i no helpim wari mi gat long em. Taim ol dispela samting i wok long kamap, kasen brata bilong anti bilong mi i bin reipim mi. Dispela i bin kamap wanpela moning taim olgeta hauslain i bin go aut na lusim mitupela tasol long haus. Em i wokim strongpela toktok long banisim mi long noken tokaut long dispela samting. Sampela wik bihain, mi bin go sekap long dokta na painimaut olsem mi gat bel. Mi wan na haf mun pinis. Mi pret long tokaut long dispela long tupela was papamama bilong mi.

Bai mi mekim wanem nau? Mi laikim sampela stiatok sapos mi rausim bebi long bel o lusim i stap.

Scared to tell

Dia Pren,

MIPELA i wok long harim na long wankain taim tu, kisim planti pas na ol telepon kol long ol yangpela na moa yet, long ol meri husat i bungim dispela kain hevi. Mipela i sori na i no pilim gut long dispela samting we i wok long kamap long planti ol yangpela pikinini meri bilong yumi long dispela kantri.

Nambawan, mipela i laik tok tenkyu long dispela was papamama husat i kisim yu na lukautim yu taim trupela papamama bilong yu stret i dai. Yu tok



tupela i bin kisim yu taim yu lukluk yet wantaim 8-pela krismas taim papamama stret i dai na yes, yu bin amamas groap wantaim was papamama. Nau yu stap long wanpela bikpela skul long kantri tasol yu no save watpo was papamama i sutim tok long yu, maski yupela i save go long lotu. Tasol wanpela hauslain i reipim na bagarapim yu na yu gat bel nau long haus we yu groap long en. Na nau yu sori i stap.

Pren, mipela i laik bai yu luksave olsem yu stap insait long hevi nau. Sampela taim, kain situesen i save kam insait bikos ating yumi larim dua long em i kam insait. Dispela samting i kamap long yu na i ken kamap long ol narapela yangpela meri, maski yu stap wantaim bubu meri bilong yu na ol was papamama o ol lukaut papamama. Mipela i strongim yu olsem yum mas toktok long wanpela famili memba long hevi i kamap long yu. Mipela i bilip olsem ol papamama i gat rait long save. Yu tok pinis olsem ol (was papamama) i wok long komplem na sutim tok long yu. Yu ting ol bai amamas sapos yu haitim long ol na ol i harim long bihain taim?

Mipela i laik tokim yu olsem taim yu tokim tupela papamama long hevi yu gat long em, ol i ken senisim pasin bilong ol long yu.

Yu ting olsem papamama em ol i as long dispela hevi i kamap long yu? Mipela i strongim yu long pogivim ol na askim yu long wokim ol plen long bihain taim bilong yu na pikinini bilong yu.

Yumi olgeta i save mekim mistek o asua na lainim long ol. Na mipela i laikim yu long go het long laip bilong yu bikos mipela i bilip olsem dispela em i rot long bihainim, na noken wari tumas long situesen bilong yu. Mipela i save olsem yu no bin ripotim dispela sam-

ing long polis, tasol yu mas gat as tingting bilong yu yet long i no mekim dispela.s

Yu toktok long rausim bebi, tasol pren, Laipain i no wanbel long dispela bikos em i egensim lo bilong Bikpela na tu, lo bilong kantri. Sapos yu no klia long ol rait bilong yu o yu pret long toktok wantaim papamama bilong yu, go long Welfea opisa o Kaunseling Ogenaisesen klostu long yu. Tu, i gat Helpim Desk long planti Polis stesen long kantri. Ol opisa long long ol opis na ol ogenaisesen bai helpim yu etresim hevi yu gat long em.

Mipela i stap long helpim yu sapos yu laik toktok long mipela. Yu ken ringim mipela long telepon namba 326001/3263138/3405832.

Mipela i enkarijim yu long noken bagarapim bebi long bel na tu, go het skul bikos yu tingim, edukesen bai helpim yumi long gutpela bihain taim bilong yumi. i moabeta yu belgut wantaim papamama bilong yu pastaim. Na wantaim papamama bilong yu, toktok long man i bin reipim yu.

Mipela i strongim yu long go long sios yet wantaim was papamama bilong yu nay u ken gat lewa bai i laik pogivim narapela, laik pasin na harim tok. Na Papa Antap em Prins bilon g Pis bai lukautim na stiaim yu long laip bilong yu. God i laikim yumi long harim tok olsem ol pikinini bilong em. Ritim Baibel bilong yu long Diutronomi Sapta 26 Ves 16-18.

Mi Pren bilong yu, Laipain

Sapos yu gat wari o hevi, rait i kam long dispela etres: Lifeline Counselling Services, P O Box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.
 Laipain



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wanpela singsing blong bifo.
 6:30am - Nius Hetlains
 6:45am - Bonde grins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori blong putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Radio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona blong yu
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains blong Belo Taim - Laik blong yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwas na dedikesen
 12:15pm - Komuniti Notis Bod
 12:20pm - BELO Pack - Belo taim rekwas na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwas na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
 3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - Nius - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
 - NAIT BEAT - Host: Vaviessie
 6:00pm - MAJOR NIUS BULLETIN - YUMIFM Nius Senta
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Miusik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 - Monin Treks
 10am - 12noon NIUS - YUMIFM Nius Senta
 12noon - Sandei Belo Taim Music
 12 - 2pm NIUS - YUMIFM Nius Senta
 2:00pm - Sandei Avinun Draiv Music
 2pm - 6pm - Nius - YUMIFM Nius Senta
 6pm - 8pm - GOSPEL REKWES AUA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moning - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afeas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Radio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...

Digicel go bikpela wantaim Musik Awod 2011

Nicky Bernard i raitim

TOKPISIN redio stesen bilong yumi insait long kantri, Yumi FM, i kam bek gen wantaim PNG musik awod long dispela yia 2011.

Digicel PNG i kamap bikpela spona bilong dispela musik awod, dispela musik awod nau bai nem bilong em kamap Digicel Yumi Fm PNG Musik awod.

Digicel em namba wan kampani long sponarim dispela musik awod wan-

taim bilong mani long kamapim dispela awod nait.

Long siks pela yia go pinis, musik awod save kisim liklik spona kam long ol narapela kampani husat i save sapatim musik bilong Papua Niugini.

Dispela musik awod bai kam long mun antap, Ogust 6 na bai stat long 7 kilok nait, plati ol yangpela manmeri na ben bai kisim luksave long dispela nait.

Digicel PNG bai opim wanpela SMS lain long mobail we yu ken salim SMS long makim wanem

singsing yu save laikim na musik manmeri bilong yu.

Dispela yia Yumi FM i hapim liklik ol luksave i go antap liklik long 14-pela katageri, we bai strong ol musik manmeri nab en bilong PNG, Justin Kili awod em bilong ol produsa o man i rekodim na kamapim dispela albam.

Bos man bilong Digicel John Mango's i tok, Digicel kamap bikpela spona long wanem ol save long planti ol manmeri long kantri save laikim musik, na ol tu save kamapim Digicel Star na planti bilong

ol dispela lain nau i kamapim albam bilong ol pinis olsem na ol tingting long strong musik insait long kantri.

Digicel Yumi FM PNG Musik awod bai luksave long kain musik man olsem, K. Dumen, Reggie wantaim singsing bilong em Olema, Brixiie na sam-

pela ol wei singsing bilong save pairap long Yumi FM na save pulim iau bilong ol manmeri na pikinini.

Putim iau long Yumi FM na bai yu painaim aut long wanem taim yu ken SMS long makim singsing bilong yu na wanem musik manmeri yu save bihain.



Nau yu ken SMS na votim feveret musik man o meri bilong yu...

93FM YUMIFM National Weekly Hit Parade:

Produced & Host by: Kasty

Saturdays: Talaigu Sopi & Poroman Cruz

Week Ending: Saturday - 23rd July 2011

Week Before	Last Week	This Week	Charting Song:	Artist:
5	5	1	Mix a babe	Leonard Kania
1	1(6)	2	Sulwara meri	Taimu G & Sharzy
2	2(6)	3	Meri Murobe	Logic Crew
3	4	4	Meri Kopye	Raiwat
4(6)	5	5	Empty Promise	Snippers Band ft DJ AAR
6	6	6	All my life	DMP
7	7	7	Isa noga Lewa	Paeva ft Blackblack
8	8	8(10)	MB Lewa	Silalahakaku
9	13	9	Ples long Lac	Jokema
10	14	10	Perfect	Greg Aaron ft Moses Tau
10(4)	11	11	Queen of Karanas	Jnr Tasim
9	10	12	Dreaming Girl	Backyards of Yangoru
14	12	13	Sunamini	Paiwa Boys
9	0	14	Rain of Murobe	Justin Wellington
0	0	15	Una Takwa	Backyards of Yangoru
13	13(4)	16	Girl you	Jokema ft Ugly B & Fat G
0	0	17	Phone Call	Ava Ono Crew
11	9	18	Smile	Gatas Band ft Robert Dinaben
17(6)	19	19	Jamace	Seths Mahu ft Eljay
18(6)	20	20	Parasite Angel	Texas Allen ft Larry Ori
			Song In: Rain of Murobe	Justin Wellington
			Phone Call	Ava Ono Crew
			Una Takwa	Backyards of Yangoru
			Song Out: Kari Waiva	Sompole Sango
			Meng	Uksbat Band
			I tenigo terupa ya	Samson Sala

EMTV Television Guide

FONDE, JULAI 21 2011

5.00AM G JOYCE MEYER Religious Program
 5.30AM G TODAY
 9.00AM **KIDS KONA**
 3.00PM G MAGICAL TALES
 3.30PM G HI-5
 4.00PM G THE PYRAMID
 4.30PM G THE SHAK
 5.00PM G KITCHEN WHIZ
 5.29PM G EMTV NEWS UPDATE
 5.30PM G MILLIONAIRE HOT SEAT
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G SPORTS SCENE (2011 Return)
 7.30PM PG RAIT MUSIK
 7.27PM G EMTV TOK SAVE
 8.00PM G RAIT MUSIK special time)

9.00PM PG ELITE MUSIC ZONE (special time)
 9.30PM M FOOTY SHOW
 10.30PM G NEWS REPLAY
 11.00PM AUSTRALIA NETWORK

FRAIDE, JULAI 22 2011

5.00AM G JOYCE MEYER Religious Program
 5.30AM G TODAY
 9.00AM **KIDS KONA**
 2.59PM STATION OPEN
 3.00PM HI-5
 3.30PM PYRAMID
 4.00PM THE SHAK
 4.30PM KITCHEN WHIZ
 5.29PM G EMTV NEWS UPDATE
 5.30PM G MILLIONAIRE HOT SEAT
 5.55PM G CRIME STOPPERS

6.00PM G NATIONAL EMTV NEWS
 6.30PM G A CURRENT AFFAIR
 7.00PM G IN MORESBY TONIGHT
 7.30PM G FRIDAY NIGHT FOOTBALL (LIVE)
 BULLDOGS v EELS
 9.30PM G FRIDAY NIGHT LATE FOOTBALL:
 STORM v BRONCOS
 11.30PM G A CURRENT AFFAIR
 12.20PM AUSTRALIA NETWORK

SARERE, JULAI 23 2010

3.00PM G ON THE WATER
 An exciting new show featuring anything and everything on the water; whether it be fishing, diving, water-skiing, we got it all in On The Water.
 Hosted by Korrie Chan.
 3.30PM G RUGBY TEST
 ALL BLACKS v FIJI
 5.30PM G MOBIL 1 THE GRID

6.00PM G EMTV NATIONAL NEWS
 6.30PM PG AUSTRALIA'S FUNNIEST HOME VIDEO SHOW
 7.30PM G TRI NATIONS SERIES (LIVE) AUSTRALIA v SOUTH AFRICA ANZ Stadium, Sydney.
 9.27PM EMTV TOK SAVE
 9.30PM PG ELITE MUSIC ZONE
 10.00PM PG WWE AFTERBURN
 11.30PM G NATIONAL EMTV NEWS REPLAY
 12.00AM AUSTRALIAN NETWORK

SANDE, JULAI 24 2011

6.29AM STATION OPEN
 6.30AM G IT IS WRITTEN
 7.00AM G HILLSONG
 7.30AM G SUPER RUGBY LEEDS RHINOS v HULL FC
 9.30AM... AUSTRALIA NETWORK
 12.30AM G WIDE WORLD OF SPORTS

1.30PM PG SUNDAY FOOTY SHOW
 2.30PM PG SUNDAY ROAST
 3.30PM G MOBIL 1 THE GRID
 4.00PM G SUNDAY FOOTBALL PANTHERS v SEA EAGLES
 6.00PM G NATIONAL EMTV NEWS
 6.30PM PG CUSTOMS Damien Walsh-Howling presents Customs. There will be more drug traffickers, people smugglers and international terrorists all caught red-handed by customs officers.
 7.00PM G MIND YOUR BUSINESS A monthly business program focusing on business and financial issues affecting PNG.
 7.30PM G 60 MINUTES
 8.30PM M SUNDAY NIGHT MOVIE: ACES HIGH (1976) War/Drama/Action - A naive young officer straight from school arrives on the Western front to fight their air war against the Germans. However, the life

TORO



BIABIA



KANAGE



TOKWIN

Kilim dai nating...

4-pela mama ol birua lain i kisim ol na karim ol i go long Laloki na katim ol long naip na tamiok na tromoi i go daun long wara em nogat as long dispela pasin nogut i kamap. Ol i saspek nating olsem ol i mekim sanguma pasin na kilim dai wanpela bikman husat i dai long kar eksiden las wik long Mosbi. Ol birua i saspek olsem sanguma pasin i kilim dispela man na ol go kisim ol dispela meri nating na kilim ol. Wanem

kain pasin tru. Dispela em Mosbi. I no ples bilong yu na go kilim nating ol wantok bilong yu. Polis mas mekim wok painimaut na holim ol dispela ol man nogut na kalabusim ol hangamapim ol. Pasin olsem ol busman o kanaka bilong ples.

Wok Senses klostu pinis...

Wok Senses klostu bai pas nau tasol ol liklik hap long ol arapela provins i wok yet. Ol hap ples we senses i pinis, ol i wok long stretim na bihain karim i go long senses opis. Tenkyu tru ol

Senses lain!

Tenkyu Minista Aimo...

Tenkyu tru Minista bilong CS, Tony Aimo long doeitim wanpela trak i go long Wewak Boistaun Riman Senta. Ol mangi ken raun isi long Wewak taun na mekim wok bilong ol Sacred Heart Brothers go gut na isi tru. Mista Aimo em wanpela eks brata tu long hap..Gutwan bro!

Tokwin Tasol...

Word search grid with letters arranged in a 15x15 grid.

Table with 5 columns and 10 rows containing words from the word search.

Two 9x9 Sudoku puzzles with some numbers pre-filled.

A 9x9 Sudoku puzzle with some numbers pre-filled.

Ansa bilong las wik Sudoku

A 15x15 word search grid with letters arranged in a 15x15 grid.

Ansa bilong las wik Pasol

EMTV Television Guide

Television schedule table with columns for time, channel, and program name.

Ol Progam na Kilok i ken senis oltaim...



Raikos bai gat bikpela na nupela supamaketa

PLANTI pipel bilong Madang i save gut tru olsem Raikos distrik em i nogat planti development. Nogat gutpela rot bilong kar, nogat pawa, ol elementri na praimer skul i no gutpla tumas. Raikos High Skul i save ron gut tasol sampela taim em save bungim birua tu.

Erima long saut kos i go long Basamuk rifaineri plent bilong Ramu NiCo Projek long Raikos save gat planti bikpela riva. Na taim bilong rein em hat stret long kar i ron. Olgeta bikpela riva em nogat bris long kar i ron i go long hapsait.

Long kar i go olgeta long Saidor na abrusim i go long Malalamai na las-ples Gali klostu long boda wantaim Morobe provins laip i hat stret. Ol pipel long hap i save kisim dingi na ron i go long Madang long wokim maket bilong ol o baim ol liklik samting long tred stoa.

Fe bilong dingi i antap na ol turangu lain i save westim bikpela mani long bot. Liklik toea ol i kisim long taim ol i salim kakao or kopra em ol i westim long peim dingi, na baim liklik sop, karasin, rais na ol narapela samting na ol i save go bek long asples bilong ol na mas i stap wanpela or tupela mun gen long painim liklik kopra na kakao long go long Madang.

Na tu, ol i save painim bikpla birua long solwara taim taim si i kirap. Planti taim, ol pipel i save lus long solwara na dai bikos solwara i no gutpla long raun taim em bruk na biket.

Tasol long dei namba 12 bilong displa mun, i bin i gat wanpela bikpela sainim seremoni long bikpela opis bilong Ramu NiCo we ol rurel pipol bilong Raikos distrik long Madang provins bai lukim gutpela developmen i kamap long eria bilong ol bihain long wanpela join vensa (JV) agrimen wantaim lokal papagraun kampani long wokim wanpla nupela supamaketa long Basamuk.

Wanpela bikpela kampani bilong Hong Kong ol i kolim, CVG (China Victory Grup) Holdings (PNG) Limited long i sainim pinis agriment wantaim Basamuk Entaprais Limited, we i opim rot long wok konstraksin bilong dispela nupela supamaketa.

CVG (PNG) Holdings i save wok long tred, eksport na bringim bisnis i



Siaman bilong Raibus Ltd na Basamuk Entaprais Ltd, Kevin Murray i sainim kontrak taim Lima Mullung sindaun na lukluk long sait.



Basamuk refinery tete we supamaketa bai i sanap klostu long em

go aut long ovasis na Basamuk Entaprais Ltd em ambrela kampani bilong ol papagraun husat i stap klostu long Ramu NiCo rifaineri plent na i makim intares bilong ol papagraun long sait bilong komesal wok bisnis.

Insait long dispela agrimen, bai i lukim ol i wokim wanpela nupela supamaketa we bai i gat kain kain ol samting long sevim ol kastoma na dispela bai kampani bilong Hong Kong, CVG bai i wokim kamap bihain long tupela lain i tok-orait o inkoporet long nupela join vensa kampani em "CVG Basamuk Supamaketa".

Basamuk Entaprais bai bekim bek ol dinau bihain long operesin bilong supamaketa.

Ol lain husat i stap long witness long dispela agrimen sainim seremoni em long lain long Madang provinsal gavman na tu Minerals Risos Atoriti (MRA).

Agrimen i tokaut tu olsem ol Basamuk papagraun bai i gat 49 pesen sea long dispela Join Vensa Kampani na CVG bai i holim 51 pesen.

Siaman bilong Raibus Ltd na Basamuk Entaprais Ltd, Kevin Mur-

ray na Siaman bilong Basamuk LOA, Lima Mullung, husat i sainim join vensa agrimen i tokaut olsem dispela em wanpela bikpela histori na em gutpela samting tru long kamap we ol rurel manmeri bilong Basamuk i wetim longpela taim tru. Ol i givim bikpela tok tenkyu i go long dispela patna bilong Hong Kong long luksave long ol, maski olsem fainensal sait bilong papagraun kampani i no orait tumas.

Mista Murray i tok bikpela tenkyu long dispela bisnis patna. Em i tok dispela agrimen em bikpela samting tru long laip bilong ol Raikos pipel bikos ol bai kisim gutpela helpim nau na planti bilong ol bai i no inap go tumas long Madang taun long bot yusim solwara na poret tumas.

Mista Murray i tok tu olsem diriman bilong em i olsem bihain long 5-pla krismas, bai i gat gutpla rot we ol pipol bilong Raikos i ken drive i go long market long Basamuk nab aim kaikai bilong ol long supamaketa na i noken go long Madang.

Mista Mullung i givim bikpela tok amamas na tenkyu i go long patna ya CVG na i tok olsem dispela JV agrimen em bikpela samting tru bi-

long ol pipel, na em i tok ol pipel bai givim olgeta sapot long en.

Mista Murray i tok olsem long nau yet ol Basamuk papagraun i gat liklik bisnis i operet na dispela nupela bisnis patnasip bai opim dua long moa bisnis bilong ol lokal papagraun.

Alex Fang, husat i sainim agrimen makim CVG i tok tenkyu long Basamuk Entaprais Ltd, long askim ol long kam, na em i tok olsem CVG bai bihainim olgeta samting i stap insait long agrimen na givim sevis long ol pipel bihainim gutpela wok patnasip.

Mista Fang i tok olsem CVG i no kam long Basamuk long mekim profit o win-moni tasol, em i kam long bringim sevis i go long ol pipel na opim dua long ol lokal pipel long rurel eria long kamapim gutpela sindaun long ples na stendet bilong ol i ken go antap.

Em i tok tu olsem CVG bai go het long kamapim gutpela wok bung wantaim ol lokal pipel wankain olsem Ramu NiCo Menesmen.

Eksekutiv vais presiden bilong Ramu NiCo, Gu Yuxiang i tok amamas long tupela lain patna long dis-

pela wok-bung we em histori stret, na em i tok ol i mas wok bung wantaim long helpim wanpela arapela long go wantaim wanem ol tingting na plen bilong Ramu NiCo long givim helpim i go long lokal na provinsal ekonomi long Madang.

Mista Gu i tok sainim bilong dispela agrimen em histori stret long Ramu NiCo Projek bikos em bikpela driman bilong Ramu NiCo Menesmen long go insait long kain wok patnasip wantaim ol papagraun na tupela lain pati i ken wok bung wantaim long bringim gutpela wok developmen.

"Ramu NiCo i amamas long sapotim dispela komyuniti projek na dispela join vensa i go stret tru long bilip na driman bilong mipela."

"Olsem developa bilong Ramu NiCo Projek, mipela i gat strongpela tingting long helpim dispela kain join vensa wok – dispela bai opim rot long moa patnas i ken kam bihain."

Mista Gu i tok.

Direkta bilong wok maining insait long Madang, John Bivi i makim maus bilong Madang Provincial Gavaman na i tok kain join vensa i bihainim tingting stret bilong gavaman na Madang provincial gavaman bai i sapotim.

Mista Bivi i tok displa agrement nau i luksave olsem ol papagraun bai i go insait long wok bisnis na displa em gutpla stret long helivim ol papagraun.

Liaison ofisa bilong MRA insait long Madang, Bidi Gemo i tok MRA i bin i gat bikpla diriman long lukim ol papagraun i kamap as bilong bisnis na i no lukluk tasol na stap....na displa agrement i soim kain tingting bilong MRA stret. Mista Gemo i tokem i laik lukim kain agrement i mas kamap long ol narapla join vensa patna.

Displa nupla supamaketa na planti kain development na wok bisnis bai i kamap sapos Ramu NiCo projek i stat klostu na givim ol kainkain benefit i go long ol papagraun. Displa nau bai i bringim ol gutpla sindaun i go long ol pipol bilong Raikos husait i bin nogat kain sans long laip bilong ol long taim bilong independence i kam inap tete.

*** Note: Ritim gen neks wik ol gutpla bikpla wok Ramu NiCo Projek i mekim insait long Madang Provins na kantri.**

RAMU NICO Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

'Wanpela Ramu NiCo, Wanpela Komyuniti'



Ol meri bilong Madang husat i memba bilong PNGWiB i bin bung long Star Siping bris long kisim sip Kimbe Kwin long go long Wewak.

Madang provinsal gavman laik lukim moa join vensa bisnis

MADANG provinsal gavman laik lukim moa join vensa patna bisnis i kamap namel long ol papagraun na ol ovasis patna insait long provins.

Daireka bilong Mains insait long Madang provinsal gavman, John Bivi i tok gavman bilong Madang na provinsal edministresin i laik lukim moa JV i kamap na tu gutpela wok bung wantaim namel long ol ovasis investa na ol papagraun

Mista Bivi i tokaut long dispela long las wik taim Basamuk papagraun kampani ol i kolim Basamuk Entaprais Limited i sainim wanpela agrimen wantaim CVG Holdins (PNG) Limited bilong Hong Kong long wokim kamap wanpela nupela supamakot long Basamuk. Dispela bikpela stua bai stap klostu long Ramu NiCo rifaineri plen insait long Raikos distrik.

Agrimen i tokaut tu olsem ol Basamuk papagraun bai i gat 49 pesen sea long dispela Join Vensa Kampani na CVG bai i holim 51 pesen.

Provinsal liesin ofisa bilong Mineral Risos Atoriti (MRA), Bidi Gemo, i welkam long dispela join vensa patnasip na i tok olsem em bikpela bilip bilong MRA long lukim ol kain agrimen long kamap we bai lukim ol papagraun i stap insait long bisnis na kisim helpim em Ramu NiCo projek i bringim i kam.

"Dispela em namba wan taim tru kain developmen bai kamap long Basamuk na MRA i sapotim tru dispela join vensa bisnis," Mista Gemo i tok.

Siaman bilong Raibus Ltd na Basamuk Entaprais Ltd, Kevin Murray na Siaman bilong Basamuk LOA, Lima Mullung, husat i sainim join

vensa agrimen i tokaut olsem dispela em wanpela bikpela histori na em gutpela samting tru long kamap we ol rurel manmeri bilong Basamuk i wetim longpela taim tru. Ol i givim bikpela tok tenkyu i go long dispela patna bilong Saina long luksave long ol, maski olsem fainensal sait bilong papagraun kampani i no orait tumas.

Mista Murray i tok bikpela tenkyu long dispela bisnis patna bilong Saina. Em i tok dispela agrimen em bikpela samting tru long laip bilong ol Raikos pipel bikos ol bai kisim gutpela helpim nau na planti bilong ol bai i no inap go tumas long Madang taun long bot yusim solwara na poret tumas.

Mista Mullung i givim bikpela tok amamas na tenkyu i go long patna ya CVG na i tok olsem dispela JV agrimen em bikpela samting tru bilong ol pipel, na em i tok ol pipel bai givim olgeta sapot long en.

Mista Murray i tok olsem long nau yet ol Basamuk papagraun i gat liklik bisnis i operet na dispela nupela bisnis patnasip bai opim dua long moa bisnis bilong ol lokal papagraun.

Alex Fang, husat i sainim agrimen makim CVG i tok tenkyu long Basamuk Entaprais Ltd, long askim ol long kam, na em i tok olsem CVG bai bihainim olgeta samting i stap insait long agrimen na givim sevis long ol pipel bihainim gutpela wok patnasip.

Mista Fang i tok olsem CVG i no kam long Basamuk long mekim profit o win-moni tasol, em i kam long bringim sevis i go long ol pipel na opim dua long ol lokal pipel long rurel eria long kamapim gutpela sindaun long ples na stendet bilong ol i ken go antap.

Ramu NiCo helpim ol meri Yabob na Bilbil long PNGWiB bung

MAPRIK taun insait long Is Sepik provins tude bai i lukim bikpela bung bilong ol meri i kamap na na bai i lukim PNG Wimen in Bisnis (PNGWiB) Faundesin lonsim Maikro Fainens Rolaut Progam bilong en.

Aninit long lidasip bilong Janet Sape, husat em presiden na meri husat i kamapim PNGWiB, dispela ogenaiesen i givim strong long ol rurel meri insait long kantri long go insait long wok bisnis, na tude bai i lukim namba wan maikro fainens pilot projek. Em i histori long strongim wok bilong ol meri long sait long bisnis.

Ramu NiCo Menesmen (MCC) Limited long Madang i luksave long wok ol mama i save mekim na i helpim ol Wimen in Bisnis bilong Yabob na Bilbil viles klostu long Madang taun wantaim sponsa bilong tiket bilong ol meri we kos bilong en em K576.

Eksekutiv Vais Presiden bilong Ramu NiCo, Gu Yuxiang i luksave long bikpela

wok ol meri i save mekim na em i givim helpim long tupela meri bilong Yabob na Bilbil long go stap lukim dispela bikpela lonsing long Maprik. Dispela tupela meri husat i kisim helpim em Mary Selo na Martha Raikawa.

Mista Gu i tok givim strong long ol meri long sosaiti tude em bikpela samting tru na Ramu NiCo i luksave long dispela na i laik promotim wok bilong ol meri.

Tupela meri i tok amamas long Ramu NiCo na i tok olsem go bilong ol long dispela lonsing bai helpim ol long luksave gut na bihain long en ol i ken wok strong moa long sait long infomal bisnis na stretim sindaun bilong ol na tu sapotim ol arapela meri long go insait long wok bisnis

Long Tunde ol meri long Madang distrik na provins husat i memba bilong PNGWiB i bin bung long Star Siping bris long kisim sip Kimbe Kwin long karim ol i go long Wewak na bihain ol bai kisim sip i go long Maprik long lonsing.



Digicel PNG kisim 3-pela nupela Laisens

DIGICEL PNG kisim tripela nupela laisens long wok insait long Papua Niugini, dispela tri pela ICT laisens Digicel i kisim em long mekim moa wok long ol kastoma bilong em.

NICTA i givim dispela laisens long wanem, Digicel i mekim olgeta wok NICTA laikim ol long mekim long 12-pela mun tasol. Sif Eksekutiv Opisa bilong Digicel PNG, John Mangos, i tok dispela

wik ol i makim namba foa yia bilong ol insait long kantri na dispela tripela hap pepa laisens NICTA i givim ol bai mekim moa wok bilong ol insait long kantri go strong moa. Digicel nau bai gen mekim fiks lain telefon na intanet sapos ol laik opim sampela taim i kam bihain insait long kantri.

Poto na Stori Nicky Bernard



PRODUCTION SUPERVISOR

Hugo Canning Company Ltd, the manufacturer of the famous "Ox & Palm" corned beef is seeking to recruit a competent and an energetic Production Supervisor to work in the Company's Production Department.

This position reports to the Production Manager & based at 15 Mile Sogeri Road, outside Port Moresby.

The incumbent's key activities will be:

- To daily manage production line operations in meeting targeted outcomes
- To co-ordinate shop floor activities to ensure smooth transition of operations
- & other activities as advised by the Production Manager.

The person we are looking for:

- Will have a diploma or degree in Food technology, however extended work experience in manufacturing environment in similar role will be considered.
- Must have a minimum of 3 years hands on experience working in a supervisory role in a manufacturing environment especially in a food or beverage industry.
- Will have strong leadership qualities
- Good communications skills in both spoken & written English
- Must be computer literate

Should Possess Personal Attributes

- Professional, self motivated and disciplined attitude to work
- Sober character
- Willing to do shift work and on week ends, as required
- Be a Team player

Hugo Canning Company offers attractive conditions of employment to the right applicant and details will be discussed at the time of interview. Please forward a detailed resume with full supporting documents including copies of school certificates, references and reliable telephone number and address them to:

The Human Resources Supervisor
Hugo Canning Company Ltd
P O Box 635
Boroko, NCD


email: hr@oxpalm.com.pg

Applications for this position close on Friday 29th July 2011.

A Member of  Group



TAKOL: Vipers fulbek, Joshua Abavu i traim long brukim banis bilong ol Gurias long raun 11 gem bilong ol long Mosbi las wik Sande. Vipers i win 32-10. *POTO: Andrew Molen.*



PASIM EM: Winga bilong Gurias i pasim wanpela kik bilong Vipers winga, Joshua Poria long Digicel kap gem bilong ol las wik Sande long Mosbi we Vipers i bin winim. *POTO: Andrew Molen.*



PUTIM BAL: Nega Roga bilong SDP Spartans i painim rot long ron namel long tupela pilaia bilong Honets long tas futbol gem bilong ol las wik Sande long Mosbi. Honest i bin win 9-6. *POTO: Andrew Molen.*



SOIM KALA: Ol netbol tim bilong Kairuku-Hiri bin bung long Mande dispela wik long pilai long netbol tonamen bilong ol we i ron wanpela wik olgeta. *POTO: Kairu Laho/UPNG Media.*

PULAPIM TRU TRAK

EM I NO WANPELA

GEM

NOKEN PULAPIM MOA LAIN LONG PMV

RIDIM OL LIMIT SAIN

Oi PMV we i pulap winim mak o limit em wanpela long bikpela samting we i save kamapim dai long PNG olgeta yia. Sapos yu wanpela draiva o pasindia na save olsem PMV i pulap tru na winim mak stret yu putim

birua long laip bilong yu na arapela pasindia. Em taim nau long tingting strong long ROT SEFT – em i no wanpela PILAI

25 MAX.
licensed capacity

OR

15 MAX.
licensed capacity

ROT SEFTI em i no wanpela PILAI

A road safety initiative by  Motor Vehicles Insurance Ltd

2011 Telstra Premiership Dro

NRL Dro Raun 20

Freidde, Julai 22



Bulldogs V^s Eels

ANZ Stadium



Storm V^s Broncos

AAMI Park



Sarare, Julai 23



Titans V^s Cowboys

Skilled Park



Tigers V^s Roosters

Leichhardt



Sharks V^s Knights

Toyota Stadium



Sande, Julai 24



Rabbitohs V^s Warriors

ANZ Stadium



Panthers V^s Eagles

Penrith Stadium



Mande, Julai 25



Raiders V^s Dragons

Canberra Stadium



NRL Poin leda bihain long Raun 19

Pos	Club	P	Pts	W	D	L	B	F	A	+/-
1	Storm	17	32	14	0	3	2	387	198	189
2	Sea Eagles	17	30	13	0	4	2	398	243	155
3	Dragons	17	29	12	1	4	2	350	205	145
4	Broncos	17	28	12	0	5	2	338	268	70
5	Cowboys	17	26	11	0	6	2	394	330	64
6	Warriors	17	22	9	0	8	2	321	290	31
7	W/Tigers	17	20	8	0	9	2	338	330	8
8	Panthers	17	20	8	0	9	2	337	341	-4
9	Knights	17	20	8	0	9	2	290	313	-23
10	Sharks	17	18	7	0	10	2	317	360	-43
11	Rabbitohs	17	18	7	0	10	2	318	380	-62
12	Bulldogs	17	18	7	0	10	2	296	361	-65
13	Eels	17	15	5	1	11	2	278	370	-92
14	Raiders	17	14	5	0	12	2	305	407	-102
15	Roosters	17	14	5	0	12	2	256	360	-104
16	Titans	17	12	4	0	13	2	239	406	-167



APIM: Siapan tim i amamas wantaim wol kap trofi.

Siapan winim wol kap

LONG Mas 11 dispela yia, Siapan (Japan) i bungim bikpela hevi taim guria na bikpela solwara i bagarapim ples bilong ol.

I nap long 23, 000 manmeri dai o i lus na planti moa i kisim bagarap long dispela hevi.

Olgeta haus, ples bilong stap na olgeta arapela samting i bruk, lus na taim wara i go daun, pipia tasol i stap olgeta hap.

Dispela hevi kamapim planti wari na belhevi long ol manmeri bilong Siapan.

Tasol long las wik, wanpela samting i kamap we i mekim ol manmeri bilong dispela kantri amamas na bung gen bihain long dispela hevi.

Dispela amamas i kamap taim nesenel meri soka tim bilong ol i winim wol kap agensim Amerika las wik Sande 3 – 1 long penolti sut aut bihain long ol i bin dro 2 – 2.

Ol pilaia long dispela tim i bin tok olsem ol bai traim strong long mekim wanpela samting long bungim na strongim ol manmeri bilong ol gen.

"Bipo long gem, mipela i lukluk long nius long save wanem samting i wok long kamap long Siapan," kosa bilong tim, Norio Sasaki tok.

"Mipela i laik tok tenkyu na amamas

nau long olgeta manmeri bilong Siapan lus usat i givim sapot long dispela taim," em i tok.

Bihain long olgeta gem, ol pilaia i save raunim pilai graun wantaim hap tok; "To our friends around the world – Thankyou for your support" (Tenkyu long olgeta poro long wol – Tenkyu long sapot bilong yupela).

Na bipo long gem, Sasaki soim ol poto bilong dispela hevi long ol pilaia bilong em.

"Mipela i pilim bikpela wari na bilip insait long bel bilong mipela taim mipela i lukim," pilaia, Aya Miyama i tok.

I nogat man i bilip Siapan bai go insait long fainol o long winim wol kap tasol strongpela tingting na pasin bilong bung long taim bilong dispela hevi strongim ol.

Taim ol i kam bek long Siapan long Mande, dispela wik, ol manmeri pulap long ples balus long amamasim ol wol sempion bilong ol.

Dispela win i no i nap stretim hevi we i kamap tasol em i strongim bilip na tingting bilong ol Siapan manmeri olsem ol i ken sanap strong yet na givim ol wanpela gutpela as long singsing na amamas gen.

Longpela spots man pinis pilai

YAO Ming em i wanpela bi-long ol longpela spotsmanmeri insait long wol.

Longpela bilong em long lek i go long het em 2.29 mita (7ft 6 in) na hevi bilong em, em 141kg.

Ming i save pilai gem we i gat planti arapela longpela na bikpela man olsem em i save pilai, basketbol.

Bipo long Ming i go pilai wantaim Houston Rockets long 2002 long NBA resis bilong Amerika, em i bin pilai wantaim Shanghai Sharks long asples bilong em long Saina (China).

Tasol long Trinde dispela wik, Ming, 30 krismas, i tokaut olsem em bai no inap pilai moa.

Ming i tokaut long wanpela bikpela bung wantaim ol niusmanmeri long asples bilong em long Shanghai, Saina.

Em i kisim planti bagarap long lek bilong em na dispela em bikpela astingting we i mekim em i tingting long lusim pilai.

"Mi tokaut olsem mi pinis long pilai nau.

"Dispela em i wanpela bikpela de bilong mi bilong wanem em i soim pinis bilong gem bilong mi na tu wanem samting mi bai mekim bihain long laip," Ming i tok.

Yao i pilai 8-pela yia long NBA tasol long las 6-pela yia, em i no pilai 250 gem bilong wanem em i kisim planti bagarap.



PINIS: Ming i tokaut dispela wik olsem em i pinis long pilai basketbol.

Broncos bai werim PNG soks

BRISBANE Broncos bai werim soks wantaim kala bilong Papua Niugini long en taim ol i pilaim Cronulla Sharks long Fraide wik i kam long Brisbane.

Siaman bilong PNG NRL Bid na tu Minista bilong spots long PNG, Philemon Embel na Sif Ekskyutiv opisa bilong em, Brad Tassell, i bin pasim tok wantaim ol Broncos taim ol i go bung wantaim ol las wik.

Dispela i no namba wan taim long ol Broncois i wok-bung olsem wantaim PNG NRL Bid.

Long stat bilong dispela yia, ol Broncos i bin werim wanpela yunifom trasis bilong ol we i bin gat mak bilong PNG NRL Bid i pas long en.

Dispela ol soks ol i werim nau bai bihainim kala bi-



TRASIS: Mak bilong PNG NRL Bid i bin pas long trasis bilong ol Broncos long stat bilong dispela yia.

long PNG na i no kala bilong Broncos yunifom.

Ol Broncos i bai werim dispela soks long makim tu PNG de long hap taim ol i pilai.

Wanwan pilaia bai sainim dispela ol soks na givim long PNG NRL Bid tim.

I gat ol arapela samting tu we ol bai givim long PNG NRL Bid long helpim ol long ol arapela promosen wok bilong ol.

Astingting bilong ol em long traim na winim sapot na tok orait bilong NRL long putim wanpela tim bilong PNG insait long NRL.

Bikpela sapot bilong PNG tim

i kam long pes 28

"Mipela i save ol manmeri laik save long resis bilong ol nambawan pilaia na spots bilong ol na mipela bai toksave long ol long dispela insait long ol sms tex bilong ol fon bilong mipela.

"Dispela sponsasip bai helpim PNGS-FOC tu long wokbung wantaim mipela na ol spots long ol wanwan spots program na developmen bilong ol etlit long redi gut bilong dispela Pasifik Gems na tu long 2012 Olimpik Gems," Mangos i tok.

Siaman bilong PNGSFOC, Sir Henry ToRobert, i tok dispela kain sapot em i bikpela samting long ol etlit we i ken helpim ol long trening strong na pilai gut moa.

"Taim ol i save olsem i gat sponsa long lukautim ol arapela hevi bilong ol, em bai ol i no i nap wari tumas na tingting bilong ol bai stap tasol long trening na pilai gut," Sir Henry i tok.

PNG bai salim 450 pilaia na ofisol i go long dispela gem na Sef di Misen (Chef de Mission) o bos bilong tim, Tamzin Wardley,

i tok, em i no isi long painim inap mani long salim kain bikpela tim i go.

Ol i no tokaut long hamas mani bai go insait long dispela sponsasip tasol kos bilong salim tim i go long Pasifik Gems dispela yia em K4.4 milien.

Long 2012 bai 8-pela pilaia tasol i go long Olimpiks na i gat bilip kosa bilong dispela bai aninit liklik long mak bilong dispela yia.

"Dispela tim em i bikpela moa long ol arapela mipela i salim i go bipo na mipela i wok long traim hat long kamapim dispela K4.4 milien bilong tim," Wardley i tok.

Em i tok, bipo olgeta spots i save painim hat long bungim mani long salim ol pilaia bilong ol i go tasol nau Digicel i helpim ol gut.

Wardley i tok tu olsem gutpela na profesenol wok bilong Digicel bai strongim na sapotim gut tim wantaim ol maketing na promosen bilong ol.

Long wankain tim, em i tok tim i bai resis insait long 24 spot sampela olsem asri (archery) na triathlon (triathlon) bai makim PNG namba wan taim tru.

WANTOK SPOTS



LAE BISCUIT CO.

Isu 1926

Wan wik: Fonde, Julai 21 - 27, 2011.

Have you tried Corned Tuna?



NEW

DIANA

Kids will surely love it.

Corned Tuna

*Great tasting
corned tuna with
real corned beef
flavor!*



Serving Suggestion



Moa luksave bilong ol pilaia

Bikpela sapot bilong PNG tim



AMAMAS: Sampela PNG etlit i bung wantaim Koime na ol memba bilong PNSFOC na Digicel long Trinde dispela wik taim Digicel i tokaut long sponsasip bilong en

**Andrew Molen
i raitim**

PAPUA Niugini we bai go long Pasifik Gems long Nu Kaledonia long mun Ogas nau i gat wanpela bikpela sponsa husat bai lukluk tu long ol arapela wok developmen bilong ol pilaia.

Digicel i tokaut long Trinde dispela wik olsem ol bai kamap wanpela bikpela sponsa bilong

Papua New Guinea Sport Federation and Olympic Committee (PNGSFOC) dispela yia na tu long 2012 bilong Olimpik Gems long Inglen (England). Sif Eksekutyutiv Opisa (CEO) bilong Digicel long PNG, John Mangos, i tok ol i wok long toktok tu long lukim sapos ol i ken kamap sponsa tu long 2015 Pasifik Gems taim dispela tonamen i kam bek long PNG. "Digicel i save bilip long givim sapot long spots

we i lukim mipela i sponsaim planti bikpela gem na tim pinis. "Nau mipela i laik sapotim tu nesanel tim bilong PNG we bai go pilai long Pasifik Gems dispela yia na tu long Olimpik Gems long 2012," Mangos i tok. Em i tok, tingting bilong ol long dispela sponsa i no long sotpela taim tasol ol i lukluk long i stap longpela taim liklik.

Moa long Pes 27.

POTO: ANDREW MOLEN

Johnston's Pharmacies



For First Aid Kits. Red8 Body Bulk Protein Supplements. Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko.
Phone 325 3185. Fax 325 0190.
Email sales@johnstons.com.pg."